



北家求

再版

上



蒙求箋註例引

一李瀚蒙求纂古人言行美惡。蓋叙列其事實類者。兩兩相比。以韻語舉其標題。使易諷誦。而記徐子光補注。補其所不詳。舊本多誤謬。近歲新刻本稱改正焉。而十纜一二耳。今據本書。悉是正其誤謬。字譌舛。然經史子集正文。非童蒙之所易解也。故為之箋注。以便童蒙。

一史漢有各家注。取其切乎事。字義脗合者。如漢書多取顏注是也。

一蒙求所纂。有出於正史之外者。如謝承後漢書。王

隱晉書其事多見于世說劉義慶注新刻本据世說注刪落舊本文殊不知世說取風旨於片言隻語故所引證亦掇其要簡省其事蒙求則事實詳為主李良所謂注下敷演者即是已豈可刪落哉今仍舊本補之以復其舊

一新刻本考例云文獻通考藝文部載蒙求三卷按文獻通考無藝文部經籍考小學部載蒙求是目未睹其書而杜撰引證其所考亦可知已

岡白駒識

薦蒙求表

饒州刺史李良上表

臣良言臣聞建官擇賢其來有素抗表薦士義或可稱爰自宗周逮茲炎漢競徵茂異咸重儒術竊見臣境內寄住客前信州司馬倉參軍李翰學藝淹通理識精究撰古人狀跡編成音韻屬對類事無非典實名曰蒙求約三千言注下轉相敷演向萬餘事瀚家兒童三數歲者皆善諷誦談古策事無減鴻儒不素諳知謂疑神遇司封員外郎李華當代文宗名望夙著與作序云不出卷而知天下豈其蒙求哉漢朝王子淵製洞簫賦漢帝美其文令宮人誦習近代周興嗣撰千字文亦頒行天下

豈若蒙求哉。錯綜經史，隨便訓釋。童子則固多弘益，老成亦頗覽起。予臣屬忝宗枝，職備藩扞，每廣聽遠視，採異訪奇，未嘗遺一才蔽片善，有可甄錄，不敢不具狀聞奏。陛下察臣丹誠，廣達四聰之義，令瀚志學開獎善之門，伏願量授一職，微示勸誡。臣良誠惶誠恐，頓首頓首，謹言。天寶五年八月一日，饒州刺史李良上表。

蒙求序

安平李瀚著蒙求一篇，列古人言行美惡，參之聲律，以授幼童，隨而釋之，比其終始，則經史百家之要十得其四五矣。推而引之源，而流之易於諷誦。

形於章句，不出卷知天下，其蒙求哉。周易有童蒙求我之義，李公子以其文碎，不敢輕傳，達識者所務訓蒙而已。故以蒙求為名，題其首，亦每行注兩句，人名外傳中有別事，可記者亦此附叙之。雖不配上文，所資廣博，從切韻東字起，每韻四字，凡五百九十六句，云爾。

子光序

前言往行，載在經史，炳若丹青，然簡編浩博，未易研究，非真積力久，莫能撮其要。唐李瀚搜羅載籍，采古人行事，著為蒙求，揣議聲韻，以類折偶，剔剔煩蕪，撝擷精英，事跡粲然，斑斑可攷，其於屬辭備。

閱不為無補矣。然鮮究本根，類多舛訛。覽者病焉，豈漸之所載然歟？抑亦後世傳襲之誤也。予嘗嘉其用意，而惜其未備。於是漁獵史傳，旁求百家，窮本探源，撫華食實，太抵傳記無見，而語淺謬妄者，就加是正。至於載籍之中，間有故實，可以槩舉者，仍掇其一二大者附焉。庶幾照然若日星之麗天，煥然可覩。命曰補注，將以備遺忘而助討論。不亦文範之捷徑歟？時己酉仲冬之月辛卯吉日。徐子光亭。

箋註蒙求卷上標題

- | | | | |
|---------|------|---------|------|
| 一 王戎簡要 | 裴楷清通 | 一 孔明卧龍 | 呂望非熊 |
| 二 楊震關西 | 丁寬易東 | 三 謝安高潔 | 王導公忠 |
| 四 匡衡鑿壁 | 孫敬閉戶 | 四 郅都蒼鷹 | 甯成乳虎 |
| 五 周嵩狼抗 | 梁冀跋扈 | 六 郝超髯參 | 王珣短簿 |
| 七 伏波標柱 | 博望尋河 | 八 李陵初詩 | 田橫感歌 |
| 九 武仲不休 | 士衡患多 | 十 桓譚非讖 | 王商止訛 |
| 十 嵇呂命駕 | 程孔傾蓋 | 十一 劇孟一敵 | 周處三害 |
| 十一 胡廣補闕 | 袁安倚賴 | 十二 黃霸政殊 | 梁習治最 |
| 十三 墨子悲絲 | 楊朱泣岐 | 十三 朱博烏集 | 蕭芝雄隨 |

杜后生齒 靈王出髭 賈誼忌鵬 莊周畏犧

燕昭築臺 鄭莊置驛 權靖二妙 岳湛連璧

郝詵一枝 戴憑重席 鄒陽長裾 王符縫掖

鳴鶴日下 士龍雲間 晉宣狼顧 漢祖龍顏

鮑靚記井 羊祜識環 仲容青雲 叔夜玉山

毛義奉檄 子路負米 江革巨孝 王覽友弟

蕭何定律 叔孫制禮 葛豐刺舉 息躬歷詆

管寧割席 和嶠專車 時苗留犢 羊續懸魚

樊噲排闥 辛毗引裾 孫楚漱石 郝隆曬書

枚臯詣闕 充國自贊 王衍風鑒 許劭月旦

賀循儒宗 孫綽才冠 太叔辯洽 摯仲辭翰

山濤識量 毛玠公方 爰盜卻坐 衛瓘撫牀

于公高門 曹參趣裝 庶女振風 鄒衍降霜

范冉生塵 晏嬰脫粟 詰汾興魏 鼈令王蜀

不疑誣金 卞和泣玉 檀卿沐猴 謝尚鴈鵠

太初日月 季野陽秋 荀陳德星 李郭仙舟

王忱綉被 張氏銅鈎 丁公遽戮 雍齒先侯

陳雷膠漆 范張雞黍 周侯山嶷 會稽霞舉

季布一諾 阮瞻三語 郭文遊山 袁宏泊渚

黃琬對日 秦宓論天 孟軻養素 揚雄草玄

四 向秀聞笛 伯牙絕絃 郭槐自屈 南康猶憐

魯恭馴雉 宋均去獸 廣客蛇影 殷師牛鬪

四三 元禮模楷 季彥領袖 魯褒錢神 崔烈銅臭

四二 梁竦廟食 趙溫雄飛 枚乘蒲輪 鄭均白衣

四一 陵母伏劍 軻親斷機 齊后破環 謝女解圍

四 鑿齒尺牘 荀勗音律 胡威推縑 陸績懷橘

三 羅含吞鳥 江淹夢筆 李歆清貞 劉麟高率

二 蔣詡三逕 許由一瓢 楊僕移關 杜預建橋

一 壽王議鼎 杜林駁堯 西施捧心 孫壽折腰

靈輒扶輪 魏顥結草 逸少傾寫 平子絕倒

澹臺毀壁 子罕辭寶 東平為善 司馬稱好

三公超霧市 魯般雲梯 田單火牛 江迫熟雞

祭裔隕盜 張遼止啼 陳平多轍 李廣成蹊

陳遵投轄 山簡倒載 淵客泣珠 交甫解佩

龔勝不屈 孫寶自劾 呂安題鳳 子猷尋戴

董宣彊項 翟璜直言 紀昌貫虱 養由號猿

馮衍歸里 張昭塞門 蘓韶鬼靈 盧充幽婚

震畏四知 秉去三惑 柳下直道 叔敖陰德

張湯巧詆 杜周深刻 三王尹京 二鮑糾憲

孫康映雪 車胤聚螢 李充四部 井春五經

箋註蒙求卷中標題

一 史丹青蒲	二 阮宣杖頭	三 谷永筆札	四 阮放八馬	五 王濬懸刀	六 桓溫竒骨	七 杜康造酒	八 滕公佳城	九 馬后大練
張湛白馬	畢卓瓊下	顧愷丹青	江泉四凶	丁固生松	鄧艾大志	蒼頡制字	王果石崖	孟光荆釵
隱之感鄰	文伯羞齷	戴逵破琴	華歆忤旨	姜維膽斗	楊脩捷對	樗里智囊	買妻耻醮	顏叔秉燭
王脩輟社	孟宗寄鮓	謝敷應星	陣羣蹙谷	盧植音鐘	羅友默記	邊韶經筭	澤室狂齋	宋弘不諧

一 程邈隸書	二 王充閱市	三 楊寶黃雀	四 韋賢滿籬	五 蘓武持節	六 鄧通銅山	七 淳于炙輶	八 巫馬戴星	九 逢萌挂冠	十 賈琮褰帷	十一 郭賀露冕	十二 董生下帷	十三 毛寶白龜	十四 夏侯拾芥	十五 鄭眾不拜
史籀大篆	董生下帷	董生下帷	毛寶白龜	鄭眾不拜	郭况金穴	彦國吐屑	宓賤彈琴	胡昭投簪	郭賀露冕	郭賀露冕	董生下帷	毛寶白龜	夏侯拾芥	鄭眾不拜
王承魚盜	馮媛當熊	平叔傅粉	宿瘤採桑	阮簡曠達	秦彭攀轅	太真玉臺	郝廉留錢	王喬雙鳧	馮媛當熊	馮媛當熊	平叔傅粉	宿瘤採桑	阮簡曠達	郭巨將坑
丙吉牛喘	班女辭輦	弘治凝脂	漆室憂葵	袁耽俊邁	侯霸臥轎	武子金埒	雷義送金	華佗五禽	班女辭輦	班女辭輦	弘治凝脂	漆室憂葵	袁耽俊邁	董永自賣

仲連蹈海 范蠡泛湖 文寶緝柳 温舒截浦

伯道無兒 稽紹不孤 綠珠墜樓 文君當壚

伊尹負鼎 甯戚扣角 趙壹坎壈 顏駟蹇剝

龔遂勸農 文翁興學 晏御揚揚 五鹿嶽嶽

蕭朱結綬 王貢彈冠 龐統展驥 仇覽棲鸞

諸葛顧廬 韓信升壇 王裒拍慘 閔損衣單

蒙恬製筆 蔡倫造紙 孔伋緼袍 祭遵布被

周公握髮 蔡邕倒屣 王敦傾室 紀瞻出妓

暴勝持斧 張綱埋輪 靈運曲笠 林宗折巾

屈原澤畔 漁父江濱 魏勃掃門 潘岳望塵

京房推律 翼奉觀性 甘寧奢侈 陸凱貴盛

干木富義 於陵辭聘 元凱傳癖 伯英草聖

馮異大樹 千秋小車 漂母進食 孫鍾設瓜

壺公謫天 薊訓歷家 劉玄刮席 晉惠聞蠛

伊籍一拜 酈生長揖 馬安四至 應璩三入

郭解借交 朱家脫急 虞延刻期 盛吉垂泣

豫讓吞炭 鉏麴觸槐 阮孚蠟屐 祖約好財

初平起石 左慈擲杯 武陵桃源 劉阮天台

王儉墜車 褚淵落水 季倫錦障 春申珠履

甄后出拜 劉楨平視 胡嬪爭櫂 晉武傷指

五 石慶數馬 孔光温樹 五 翟湯隱操 許詢勝具

五 優旃滑稽 落下歷數 七 曼容自免 子平畢娶

五 師曠清耳 離婁明目 六 仲文照鏡 臨江折軸

五 藥巴嘆酒 偃師舞木 九 德潤傭書 君平賣卜

五 叔寶玉潤 彦輔水清 六 衛后鬢髮 飛燕體輕

六 玄石沈湎 劉伶解醒 六 趙勝謝覽 楚莊絕纓

六 惡來多力 飛廉善走 六 趙孟疵面 田駢天口

六 張憑理窟 裴顏談藪 六 仲宣獨步 子建八斗

六 廣漢鈎距 弘羊心計 六 衛青拜幕 去病辭第

六 酈寄賣友 紀信詐帝 六 濟叔不癡 周兄無慧

六 虞卿擔簦 蘓章負笈 六 南風擲孕 商受斲涉

箋註蒙求卷下標題

二 廣德從橋 君章拒獵 二 應奉五行 安世三篋

三 相如題柱 終軍棄繻 四 孫晨藁席 原憲桑樞

五 端木辭金 鍾離委珠 五 季札挂劍 徐穉置芻

六 朱雲折檻 申屠斷鞅 七 衛玠羊車 王恭鶴氅

八 管仲隨馬 倉舒稱象 八 丁蘭刻木 伯瑜泣杖

八 陳逵豪爽 田方簡傲 九 黃向訪主 陳寔遺盜

十 龐儉鑿井 陰方祀竈 十 韓壽竊香 王蒙市帽

十二 句踐投醪 陸抗嘗藥 十二 孔愉放龜 張顥墮鵲

田豫儉素 李恂清約 義縱攻剽 周陽暴虐

孟陽擲瓦 賈氏如臯 顏回簞瓢 仲蔚蓬蒿

麋竺收資 栢景登高 雷煥送劍 呂虔佩刀

老萊斑衣 黃香扇枕 王祥守柩 蔡順分椹

淮南食時 左思十稔 劉惔傾釀 孝伯痛飲

女媧補天 長房縮地 季珪士首 安國國器

陸玩無人 賈詡非次 何晏神伏 郭奕心醉

常林帶經 高鳳漂麥 孟嘉落帽 庾敳隨憤

龍逢板出 張華台圻 董奉活爨 扁鵲起號

寇恂借一 何武去思 韓子孤憤 梁鴻五噫

蔡琰辯琴 王粲覆碁 西門投巫 何謙焚祠

孟嘗還珠 劉昆反火 姜肱共被 孔融讓果

端康相代 亮陟隔坐 趙倫留怪 梁孝牛禍

桓典避馬 王尊叱馭 鼂錯隋直 趙禹廉裾

亮遺巾幘 備失匕箸 張翰適意 陶潛歸去

魏儲南館 漢相東閣 楚元置醴 陳蕃下榻

廣利泉涌 王霸冰合 孔融坐滿 鄭崇門雜

張堪折轅 周鎮漏船 郭伋竹馬 劉寬蒲鞭

許史侯盛 韋平相延 雍伯種玉 黃尋飛錢

王允千里 黃憲萬頃 虞駿才望 戴淵峯頰

三九 史魚黜殯 子囊城郢 戴封積薪 耿恭拜井

四一 汲黯開倉 馮煖折券 齊景駟千 何曾食萬

四二 顏榮錫炙 田文比飯 稚珪蛙鳴 彥倫鶴怨

四三 廉頗負荆 須賈擢髮 孔翊絕書 申嘉私謁

四五 淵明把菊 真長望月 子房取履 釋之結韉

四七 郭丹約關 祖逖誓江 賈逵問事 許慎無雙

四八 婁敬和親 白起坑降 蕭史鳳臺 宋宗雞窻

五 王陽囊衣 馬援薏苡 劉整交質 五倫十起

五 張敞畫眉 謝鯤折齒 盛彥感螬 姜詩躍鯉

五三 宗資主諾 成瑨坐嘯 伯成辭耕 嚴陵去釣

五 董遇三餘 譙周獨笑 將閭仰天 王凌呼廟

五 二疏散金 陸賈分橐 慈明八龍 禰衡一鶚

五 不占殞車 子雲投閣 魏舒堂堂 周舍鄂鄂

五 無鹽如漆 姑射若冰 邾子投火 王思怒蠅

五 苻朗皂白 易牙溜澠 周勃織薄 灌嬰販繒

五 馬良白眉 阮籍青眼 黥布開關 張良燒棧

五 陳遺飯感 陶侃酒限 楚昭萍實 束皙竹簡

五 曼倩三冬 陳思七步 劉寵一錢 廉范五綉

五 汜毓字孤 郝鑿吐哺 荀弟轉酷 嚴母掃墓

五 洪喬擲水 陳泰挂壁 王述忿狷 荀粲惑溺

宋女愈謹 敬姜猶績 鮑照篇翰 陳琳書檄
浩浩萬古 不可備甄 芟煩撫華 爾曹勉旃

標題徐狀元補注蒙求卷上

岡白駒箋註

王戎簡要

裴楷清通

晉書王戎字濬冲琅邪臨沂人幼而穎悟神彩秀徹視日
不眩裴楷見而目之曰我眼爛爛如巖下電阮籍素與
戎父渾為友戎年十五隨渾在郎舍郎官所次舍少籍二十歲
籍與之交籍每適渾去輒過視戎良久然後出謂渾曰濬
冲清賞清朗可賞非卿倫也共卿言不如共阿戎談阿戎聲發
之人如阿耶阿歷官至司徒

晉裴楷字叔則河東聞喜人明悟有識量智識量度少與戎齊
名鍾會薦於文帝晉文帝辟相國掾文帝任掾為相國相
掾副及吏部郎缺吏部郎主選舉能整帝問鍾會曰裴

楷。清通。清而通也。王戎簡要。簡而有要也。皆其選也。於是用楷。楷風神高邁。邁過也。風采神過衆。容儀俊爽。博涉羣書。特精理義。魏晉時學為理學。義也。時謂之玉人。又稱見叔則如近。玉山照映。即老易之義也。轉中書郎。出入官省。省禁也。見者肅然。改容。武帝登祚。探策以下世數多少。既而得一不悅。世說云。王者世數繫此多少。羣臣失色。楷曰。臣聞天得一以清。地得一以寧。王侯得一以為天下貞。此老子言。帝大悅。累遷中書令侍中。

孔明臥龍

口望非熊

蜀志。諸葛亮字孔明。琅邪陽都人。躬耕隴畝。隴與通。好為梁父吟。齊晏子謀殺三子。事見于晏子春秋。梁父城名。齊城有三墳。蓋此城之門。辭曰。步出齊城門。遙望蕩陰里。城中山。又能絕地埋。一朝被讒言。二桃殺三子。誰能為此謀。相晏國子。每自比管仲樂毅。時人莫之許。惟崔州平徐庶與亮

友善。謂為信然。時先主備屯新野。徐庶見之。謂曰。諸葛孔

明臥龍也。有言起必。將軍豈願見之乎。將軍稱此人可就見。

不可屈致。劉備曰。君與俱來。故庶云。宜枉駕顧之。先主遂詣亮。凡三往。

乃見。因屏人與計事。善之。於是情好日密。關羽張飛等不

悅。先主曰。孤之有孔明。猶魚之有水也。願勿復言。及

稱尊號。帝位。自以亮為丞相。漢晉春秋曰。亮家南陽鄧縣襄

陽城西。號曰隆中。隆中山名。六韜曰。文王將田。史編布卜。

曰。田於涓陽。將大得焉。非龍非影。影與螭同。有角曰螭。非虎非

熊。熊屬。兆得公侯。天遺汝師。以之佐昌。昌。文名。施及三王。不

成。王文王曰。兆致是乎。遂能至。史編曰。編之太祖史疇為

舜。舊本作禹。誤。六韜作舜。今從之。占得臯陶。兆比於此文王。乃齊三日。田

於涓陽。卒見太公坐茅。以漁文王勞。而問之。勞也。乃載與

歸立為師。舊本非熊作非熊。通熊東忠叶韻若作疑流俗
承誤。後世莫知是正耳。從是改按後漢崔駰達旨辭曰。或
以漁父見兆於元龜。漁父謂注云。西伯出獵。卜之曰。所獲
非龍非螭。非熊非羆。所獲霸王之輔。所謂非熊。蓋本諸此。

楊震關西 丁寬易東

後漢楊震字伯起。弘農華陰人。少好學。明經博覽。無不窮
究。諸儒為之語曰。關西孔子。楊伯起。關函常客居於胡不
答州郡。禮命數十年。眾謂之晚暮。仕宦而志愈篤。後有鸛
雀。鸛雀大如鸛銜三鱣魚。飛集講堂前。後漢書注鱣鱣古
夫。故為卿大都講取魚。進曰。學舍長蛇鱣者。卿大夫服之象
也。數三者。法三台也。三台三公也。後漢太先生自此升矣。
年五十乃始仕。州郡安帝時為太尉。

前漢丁寬字子襄。梁人。初梁項生從田何受易。時寬為項
生從者。讀易精敏。材過項生。遂事何。學成東歸。何謂門人
曰。易已東矣。寬復從周王孫受古義。號周氏傳。景帝時為
梁孝王將軍。作易說三萬言。訓詁舉太誼而已。顏師古曰
也。旨趣

謝安高潔 王導公忠

晉書謝安字安石。陳國陽夏人。年四歲。桓彝見而嘆曰。此
兒風神秀徹。後當不減王東海。王王導亦深器之。器有用
由是少有重名。初辟除。召而並以疾辭。有司奏安被召。歷
年不至。禁錮終身。禁錮塞仕進遂棲遲東土。棲遲游息也
常往臨安山中。放情丘壑。然每遊賞。必以妓女從。時弟萬
為西中郎將。總藩任之重。藩鎮安雖處衡門。橫木為門。謂

名出其右。有公輔望。公也。年四十餘始有仕志。征西大將軍桓温請為司馬。朝士咸送中丞高崧戲之曰。卿屢違朝旨。高臥東山。諸人每相與言。安石不肯出。將如蒼生何。蒼生謂民也。今蒼生亦將如卿何。安有愧色。後拜吏部尚書。時孝武立政不自已。帝出不由。桓温威振内外。安盡忠匡翼。終能輯穆也。穆和。進中書監錄尚書事。苻堅率眾次淮肥。加安征討大都督。既破堅。以總統功。進太保。薨。贈太傅。謚文靖。

晉王導字茂弘。光祿大夫。覽之孫。少有風鑒。謂有知人之識。風采也。鑒取其照。識量清遠。陳留高士張公見而奇之。謂其從兄敦曰。此兒容貌志氣。將相之器也。元帝為琅邪王。與導素相親善。導知天下已亂。遂傾心推奉。潛有興復之志。帝亦雅相器重。器重之。會帝出鎮下邳。請導為安東司馬。帝為安東將軍。請導為司馬。

列傳三十五

馬故曰安東司馬。軍謀密策。知無不為。帝常謂曰。卿吾之蕭何也。累遷中書監錄尚書事。及帝登尊號。百官陪列。以位次列。命導升御床共坐。導固辭曰。若大陽下同萬物。大陽也。蒼生何由仰照。帝乃止。進位司空。

匡衡鑿金壁

孫敬閉戶

前漢匡衡字稚圭。東海承人。東海郡父世農夫。至衡好學。家貧庸作。以供資用。師古曰。庸作。言賣功庸也。尤精力過絕。人諸儒為之語曰。無說詩。匡鼎來。鼎應。助也。匡說詩。解人頤。如淳曰。使人射策甲科。師古曰。射策者。隨其所大。謂為難問疑義。書笑不能止也。射策顯有欲射者。隨其所大。謂為難問疑義。書而釋之。以知優劣。射之言。也。與對策殊。元帝時為丞相。西京雜記曰。衡勤學無燭。鄰舍有燭而不逮。衡乃穿壁引其光而讀之。邑大姓文不識名。姓名家富多書。衡乃與

列傳三十五

其客作客備工曰而不求償償酬報也言願得書遍讀之主

楚國先賢傳孫敬字文寶常閉戶讀書睡則以繩繫頸懸

郵都蒼鷹

甯成乳虎

前漢郵都河東大陽人景帝時為中郎將敢直諫面折大

臣於朝面折直指遷中尉是時民撲畏罪自重犯法而

都獨先嚴酷致行法不避貴戚列侯宗室見都皆側目而

視正視號曰蒼鷹師古曰言其拜鷹門太守匈奴素聞都

節舉邊為引去竟都死不近鷹門匈奴至為偶人象都師

太后乃中都以漢法卒斬之構成罪以

前漢甯成南陽穰人以郎謁者事景帝好氣好俠為小吏

必陵其長吏為人上操下急如束溼薪師古曰操執持也

外戚多毀其短抵罪後上欲以為郡守公孫弘曰臣為小

吏時成為濟南都尉其治如狼牧羊不可使治民上乃拜

為關都尉歲餘關東吏隸郡國出入關者號曰寧見乳虎

周嵩狼抗

梁冀跋扈

晉書周嵩字仲智兄顓字伯仁汝南安成人中興時元帝

本渡江託足無所不謂爾等並貴列吾目前吾復何憂嵩

起曰恐不如尊旨伯仁志大而才短名重而識闇好乘人

之弊非自全之道。嵩性抗直。言不撓也。亦不容於世。唯阿奴碌碌。一作錄錄。凡庸也。當在阿母目下耳。阿奴嵩弟。謨小字也。後嵩並為王敦所害。謨歷侍中護軍。世說抗直作狼抗。如狼抗。抗也。晉書周顛傳。處仲剛愎強忍。復戾也。很也。狼抗無上。處仲王敦字也。

後漢梁冀字伯卓。褒親愍侯竦之曾孫。為人鸞肩豺目。漢書注。鸞。鸞也。鸞。肩上也。洞精矐眇也。眇。目偏合也。口吟舌言。竦也。豺目。目豎也。洞精矐眇。洞。通也。矐。直視也。眇。目偏合也。口吟舌言。注。謂語吃。拜大將軍。侈暴滋甚。冲帝崩。冀立質帝。少聰惠。不能明。冀驕橫。嘗朝羣臣。目冀曰。此跋扈將軍也。注。跋。強也。扈。強也。冀聞深惡之。遂鴆殺。復立桓帝。而在害大尉李固杜喬。注。在。冤也。海內嗟懼。其四方調發。民賦。歲時貢獻。皆先輸上第。於冀。注。上第。乘輿。稱。一門前後七封侯。

者七。三皇后。六貴人。二將軍。在位二十餘年。窮極滿盛。威行內外。百僚側目。百僚。百官也。莫敢違命。天子恭己。謂無為也。不得有所親豫。帝既不平之。後發怒。誅冀。中外宗親。無長少。皆弃市。他連及公卿列校。尉。諸校。刺史二千石。死者數十人。故吏賓客。免黜者三百餘人。朝廷為空。收冀財貨三十餘萬。以充王府。用減天下稅租之半。

郝超再參

王珣短簿

晉書。郝超字景興。大尉鑒之孫。少卓犖。不羈。卓犖。超越也。羈。絆也。言才高識遠。不羈。係也。有曠世之度。曠。遠也。久也。度。度量也。罕有。善談論。義理精微。大司馬桓温辟為參軍。温英氣高邁。罕有所推。與超言。常謂不能測。遂傾意禮待。超亦深自結納。時王珣為温主簿。亦為温所重。府中語曰。髯參軍。短主簿。能令公喜。能

令公怒超髯珣短故也

晉王珣字元琳丞相導之孫弱冠二十與謝玄為溫掾溫

嘗謂之曰謝掾年四十必擁旄杖節藩鎮州牧之任王掾當作黑

頭公壯年而當三公也皆未易才也未易得才也孝武時為僕射領吏

部帝雅好典籍以才學文章見昵昵親也夢人以大筆如掾

與之既覺語人曰此當有大手筆事俄而帝崩哀冊謚議

梓宮遷皆珣所草玄字幼度少穎悟為叔父安所器重安

嘗戒約子姪因曰子弟亦何預人事非預人之佳自爾事耳本

謂而安而正欲使其佳欲使爾等佳諸人莫有言者玄答曰譬

如芝蘭玉樹欲使其生於庭堦耳安悅時苻堅入寇攻劫

舉累進冠軍將軍為前鋒都督與從弟輔國將軍琰決戰

肥水南堅眾奔潰弃甲宵遁聞風聲鶴唳鳴也皆以為王師已至進號前將軍

伏波標柱 博望尋河

後漢馬援字文淵扶風茂陵人少有大志嘗謂賓客曰文

夫為志窮當益堅老當益壯建武中歷虎賁中郎將數被

進見為人明鬚髮眉目如畫閑於進對閑習又善兵策帝

嘗言伏波論兵與我意合有謀未嘗不用後交阯女子徵

側等反後漢書注徵側薏苡將蠻夷皆應之拜援為

伏波將軍擊破之封新息侯援乃擊牛醞酒注醞酒也勞饗

軍士將樓船戰士進擊餘黨嶠南悉平後復請擊武陵五

溪蠻夷時年六十二帝怒其老援曰臣尚能被甲上馬帝

令試之援據鞍顧眄以示可用帝笑曰矍鑠哉是翁也注

貌勇遂遣征之進營壺頭注山名會暑甚中病卒病中廣州

記曰援到交趾立銅柱為漢之極界

前漢張騫漢中人建元中為郎武帝方欲事滅胡迺募能

使者募廣騫應募使月氏徑匈奴師古曰道匈奴過留十餘歲持

漢節不失因與其屬亡鄉月氏師古曰屬亡逃也後亡歸拜

太中大夫騫身所至者大宛大月氏大夏康居而傳聞其

旁大國五六具為天子言其地形所有元朔中以校尉從

大將軍衛青擊匈奴知水草處軍得以不乏封博望侯贊曰

禹本紀言河出崑崙崑崙高二千五百里餘日月所相避

隱為光明也此史記大宛傳贊論之言班固取以為贊王

所謂禹本紀者與自張騫使大夏之後窮河源惡睹所

謂崑崙者乎惡於舊注云得支機石歸世傳昔人有泛槎

示嚴君平曰是織女未詳所出

李陵初詩

田橫感歌

前漢李陵字少卿前將軍廣之孫少為侍中建章監建章殿名

善騎射愛人謙遜下士甚得名譽武帝以為有廣之風拜

騎都尉天漢二年將步卒五千人征匈奴戰敗遂降焉初

陵與蘇武俱為侍中武使匈奴明年陵降後昭帝立與匈

奴和親武得還漢陵以詩贈別曰攜手上河梁橋也游子暮

何之徘徊蹊路側恨音亮恨不得辭眷音亮晨風鳴北林晨風也

熠燿東南飛熠燿螢也浮雲日千里安知我心悲武別陵詩

曰雙鳥俱北飛喻共來一鳥獨南翔喻武歸子當留斯館

我當歸故鄉一別如秦胡遠相去會見何渠央渠與遠通

愴悵切中懷愴悵悲不覺淚霑裳願子長努力言笑莫相

列傳
二十
四

列傳
三十

忘五言詩蓋自此始

列傳

前漢田橫狄人師古曰狄縣名也故齊王田氏之族秦末自立為齊王漢將灌嬰敗橫軍遂平齊地橫懼誅與其徒居海島中海中有山可高帝召之依止曰島迺與其客二人乘傳詣洛陽謝使者曰橫始與漢王俱南面稱孤今王為天子而橫為亡虜其愧已甚遂自剄令客奉其頭奏之高帝為之流涕以王禮葬之拜其二客為都尉既葬二客穿其冢旁皆自剄其餘五百人在海中聞橫死亦皆自殺李周翰曰橫自殺從者不敢哭而不勝哀故為悲歌以寄情後廣之為薤露蒿里歌以送終薤露歌云薤上朝露何易晞露晞明朝更家地聚斂魂魄無復落人死去何時歸蒿里歌云蒿里誰躡薤菜名蒿草名舊說蒿里黃泉下也一說蒿里言冢間宿草積聚指至李延年分為等薤露送王公貴人蒿里墓門言也

送士大夫庶人挽柩者歌之人死在柩曰柩因呼為挽歌一作

輓歌

武仲不休

士衡患多

後漢傅毅字武仲扶風茂陵人少博學肅宗博召文學之士以毅為蘭臺令史百官志蘭臺令史掌奏及印工書拜郎中與班固賈逵共典校書典猶主也毅追美明帝功德最盛而廟頌未立乃依清廟作顯宗頌十篇奏之由是文雅顯於朝廷魏文帝典論曰文人相輕自古而然傅毅之於班固伯仲之間且伯仲喻兄弟之次言無甚勝劣也而固小之與弟超書曰武仲以能屬文屬謂綴也為蘭臺令史下筆不能自休言其竊竊晉陸機字士衡吳郡人大司馬抗之子身長七尺其聲如鐘少有異才文章冠世與弟雲俱入洛造太常張華華素

文苑
十上

列傳
四二

卷之上

重其名。如舊相識。曰伐吳之役。利獲二俊。機又詣侍中王
濟。濟指羊酪謂曰。吳中何以敵此。答云。千里尊羹。未下鹽
豉。言下鹽豉則美。於時人稱為名對。機天才秀逸。辭藻宏
麗。華嘗謂之曰。人之為文。常恨才少。而子更患其多。弟雲
嘗與書曰。君苗雲之見兄文。輒欲燒其筆硯。華薦之。諸公
累遷中書郎。後成都王穎起兵。討長沙王乂。假機後將軍
河北大都督。機以羈旅入官。頓居羣士之右。皆有怨心。譖
之於穎。穎怒使人收機。機歎曰。華亭鶴唳。豈可復聞乎。遂
遇害。初機有駿犬名黃耳。既羈寓京師。久無家問。笑語犬
曰。我家絕無書。汝能齎書取消息否。犬搖尾作聲。機乃為
書以竹筒盛之。繫其頸。犬尋路南走。遂至家。得報還洛。後
以為常。

桓譚非讖

王商止訛

列傳十八

後漢桓譚字君山。沛國相人。後漢書注。好音律。世祖即位。拜議郎給事中。後詔會議靈臺所處。靈臺候天文臺。時帝方信讖。符命。多以決定嫌疑。謂譚曰。吾欲讖決之。何如。譚曰。臣不讀讖。帝問其故。譚復極言讖之非經。帝大怒曰。譚非聖。無法將下斬之。叩頭流血。乃得解。出為六安郡丞。卒。
前漢王商字子威。涿郡蠡吾人。成帝時為左將軍。京師民
無故相驚言大水至。無故即是訛言也。百姓奔走相蹂躪。蹂躪師古曰。躪。老弱號呼。長安中大亂。天子召公卿議。大將軍王鳳以為太后與上及后宫可御船。令吏民上長安城。以避水。從鳳議。商曰。自古無道之國。水猶不冒城郭。冒蒙今政治和平。世無兵革。上下相安。何因有大水暴至。此必訛言上。

列傳二十五

卷之三

迺止果訛言上美壯商之固守數稱其議而鳳大慙後為丞相為人多質有威重師古曰多質言不為文飾長八尺餘身體鴻大容貌過人軍于來朝商坐未央廷中單于前拜謁商仰視大畏之遷延却退遷延却退之貌上聞歎曰真漢相矣鳳然商陰求其短卒為所中免相薨

嵇呂命駕

程孔傾蓋

晉書嵇康字叔夜推國銓人性巧而好鍛鍛治鐵打為器宅中有一柳樹甚茂乃激水圍之每夏月居其下以鍛東平呂安服其高致每一相思輒千里命駕康友而善之家語曰孔子之郊遭程子於塗王肅曰程子名本字子華晉人也傾蓋而語傾蓋蓋終日甚相親顧謂子路曰取束帛以贈先生

劇孟一敵

周處三害

游俠傳六十二

列傳八十二

前漢劇孟洛陽人以俠顯俠任俠也相與信為任同是非曰俠吳楚反時條侯周亞夫為大尉東將至河南王楙云史記乘傳車班史誤車作東將字本方將之將非將帥得劇孟喜曰吳楚舉大事而不求劇孟吾知其無能為已天下騷動大將軍亞夫得之若一敵國晉周處字子隱義興陽羨人膂力絕人不修細行州曲患之曲曲鄉也處自知為人所惡慨然有改勵之志慨憤謂父老曰今時和歲豐何苦而不樂父老歎曰三害未除何樂之有處曰何謂也何謂答曰南山白額猛虎長橋下蛟并子為三矣處曰吾能除之乃入山射殺猛虎投水搏殺蛟遂勵志好學有文思志存義烈言必忠信克己暮年州府交辟仕晉為御史中丞凡所糾劾不避寵戚寵臣貴戚及氏人齊萬年反朝臣惡處強直皆曰處名將子忠烈果毅乃使隸

夏侯駿西征伏波將軍孫秀謂之曰卿有老母可以此辭
秀知其將死故教之辭蓋愛惜之也處曰忠孝之道安得兩全既辭親事君
 父母安得而子乎已而戰敗左右勸退處按劍曰此吾效
 節授命之日何退之為且古者良將受命凶門以出君親
鐵投將將辭而行鑿凶門而出蓋有進無退也諸君負信
示不敢生還也凶門喪門也勢必不振我為大臣以身殉國不亦可乎遂力戰而沒追
 贈平西將軍

胡廣補闕

袁安倚賴

後漢胡廣字伯始南郡華容人察孝廉察猶舉也孝廉取士科目試章
 奏安帝以廣為天下第一累為三公年已八十而心力克
 壯性溫柔謹素常遜言恭色達練事體明解朝章朝廷典章雖
 無謇直之風屢有補闕之益故京師諺曰萬事不理問伯

始天下中庸有胡公中庸廣言可準則及共李固趙戒杜喬議立清
 河王蒜而蠡吾侯志取梁冀妹冀欲立之廣戒憚冀皆曰
 惟大將軍令獨固與喬堅守本議竟立蠡吾侯是為桓帝
 以此譏毀於時自在公台三十餘年歷事安順冲質桓靈
 六帝凡一履司空再作司徒三登大尉又為太傅其所辟
 命皆天下名士與故吏陳蕃李咸並為三司蕃等每朝會
 輒稱疾避廣言見時人榮之
 後漢袁安字邵公汝南汝陽人嚴重有威見敬於州里肅
 宗末為司空遷司徒和帝時薨初安以天子幼弱外戚擅
 權每朝會進見及與公卿言國家事未嘗不噫嗚流涕後漢
書注噫嗚自天子及大臣皆倚賴之倚賴特及薨朝廷痛
歎傷之貌惜焉初安父沒訪求葬地道逢三書生問安何之安告之

生乃指一處云葬此地當世為上公須臾不見安異之於是葬其地故累世隆盛

黃霸政殊

梁習治最

前漢黃霸字次公淮陽陽夏人武帝末以待詔入錢賞官而見賞以官補侍郎謁者後復入穀入財為官不署右職也師古曰輕其為人使領郡錢穀計簿書正以廉稱宣帝時擢揚州刺史以賢良高弟為潁川太守力行教化而後誅罰外寬內明得吏民心戶口歲增治為天下第一徵守京兆尹坐貶秩歸潁川前後八年郡中愈治是時鳳凰神爵數集郡國潁川尤多天子以霸治行終長者下詔稱揚賜爵關內侯黃金百斤秩中二千石後

為丞相霸材長於治民及為相總綱紀號令風采不及丙

魏于定國風采風儀文采也功名損於治郡

魏志梁習字子虞陳郡柘人以別部司馬後漢百官志云大將軍營五部

有軍司馬一人其別營領屬為別部司馬領并州刺史承

高幹荒亂之餘高幹降于曹操後叛胡狄在界張雄跋扈張雄張威武也通鑑

張作雄更民亡叛入其部落兵家擁眾作為寇害更相扇動

往往慕時到處屯兵習到官誘喻招納皆禮召其豪右稍

相薦舉使詣幕府邊境肅清百姓布野勤勸農桑令行禁

止貢達名士咸顯於世太祖嘉之賜爵關內侯更拜為真

前以別部司馬領并州刺史長老稱詠以為自所聞識刺

史未有及習者文帝時復為刺史政治常為天下最舊本

習作集誤

漢書

九傳更

墨子悲絲

楊朱泣岐

淮南子曰。楊子見逵路而哭之。注。楊子名朱。四道交。出復有旁道。曰逵。為其可以南。可以北。為當順也。墨子見練絲而泣之。練。白也。名翟。為其可以黃。可以黑。為當慎也。高誘曰。憫其本同而末異。

朱博烏集

蕭芝雉隨

前漢朱博字子元。杜陵人。哀帝時。御史府吏舍百餘區。井水皆竭。又其府中列柏樹。常有野烏數千棲宿其上。晨去暮來。號曰朝夕烏。烏去不來者數月。師古曰。皆御史大夫之職。休廢之。應長老異之後。二歲餘。博為大司空。奏言。高皇帝置御史大夫。位次丞相。今中二千石。未更御史大夫。而為丞相。權輕。非所以重國政也。臣以為大司空官。可罷。復置御史大夫。遵奉舊制。臣願盡力。以為百僚表率。從之。迺更拜博御史大夫。後為丞相。坐事自殺。

蕭廣濟。孝子。傳。蕭芝。字英髦。除尚書郎。拜官曰除。去故官。就新也。

官有雉數十頭。飲啄宿止。當上直。曰上直。罷曰下直。送至岐路。及下直。入門。飛鳴車前。時人以為孝感所致。

杜后生齒

靈王出須

晉書。成恭杜皇后。諱陵陽。成恭。鎮南將軍。預曾孫。后少有姿色。姿容美。然長猶無齒。有來求婚者。輒中止。及帝納采之。

日。納采。昏禮六禮之一。一夜齒盡生。在位六年。無子。先是。三

吳女子相與簪白花。望之如素柰。柰。果名。似林檎。而大。有白赤青三色。白者曰素。

柰。傳言天公織女死。為之著服。至是而后崩。

左氏傳。昭公二十六年。王子朝曰。子朝使告。定王六年。秦人降妖。

言。妖。曰。周其有龜。王。有王生。而有龜。亦克能修其職。諸侯

言。妖。曰。周其有龜。王。有王生。而有龜。亦克能修其職。諸侯

服享二世供職杜預曰靈王景王之世諸侯供其職貢王室其有間王位定王世之後當有間不奪王室者諸侯不圖不圖而受其亂災至于靈王之定王世孫生而有德王甚神聖無惡於諸侯靈王景王克終其世

賈誼忌鵬

莊周畏犧

前漢賈誼雒陽人年十八能誦詩書屬文稱於郡中河南守吳公聞其秀才召置門下及為廷尉誼言誼年少頗通諸家書文帝召為博士每詔令議下師古曰謂有詔令出下及使議事諸老先生未能言誼盡為之對人人各如其意所出諸生諸即老先以為能帝說之超遷歲中至太中大夫誼以為漢興諸即當改正朔易服色制度定官名興禮樂迺草具其儀帝謙讓未皇也皇古曰然諸法令所更定皆誼發之天子以誼任公卿之位師古曰然諸法令所更定皆誼發之天子以誼

列傳

疎之不用其議以為長沙王太傅三年有服飛入舍止於坐隅服似鴉不祥鳥也誼既適居適讀長沙卑濕自傷悼以為壽不得長迺為賦以自廣歲餘帝思誼徵之入見上方受釐坐宣室釐祭祀福祚也漢儀注祭天地五畷皇帝方受釐坐宣室不自行祠還致福宣室未央前正室也因感鬼神事而問鬼神之本誼具道所以然之故至夜半帝前席師古曰漸促近既罷曰吾久不見賈生自以為過之今不及也生也迺拜誼梁王大傅死年三十三孔臧鴉賦云昔賈生有識之士忌茲服鳥鴉莊子曰列御寇或聘於莊子莊子應其使曰子見夫犧牛乎衣以文綉食以芻菽及其牽而入於太廟雖欲為孤犢其可得乎孤犢離母也史記曰莊周蒙人嘗為蒙漆園吏正義漆園城名與梁惠王同時其學本於老子著書率寓言正義

洋自恣以適己。洗洋浩瀚貌廣大也。故王公大人不能器之。不能器之用之不能楚威王聞周賢使使厚幣迎之。許以為相。周引此辭應之。郭象云樂生者畏犧而辭聘。

燕昭築臺

鄭莊置驛

史記燕昭王即位卑身厚幣以招賢者謂郭隗曰齊國因孤之國亂。燕王會屬國子之而燕亂而襲破燕孤極知燕小力少不足以報然誠得賢士以共國以雪先王之耻孤之願也先生視可者。兵國者得身事之隗曰王心欲致士先從隗始況賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往士爭趨燕後與秦楚三晉韓魏趙合謀伐齊敗之齊城之不下者唯聊莒即墨餘皆屬燕孔文舉與曹公書曰昭王築臺以尊郭隗鮑昭

樂府曰豈伊白璧賜將起黃金臺。注云燕昭王置千金於臺上以延天下之士。

列傳

前漢鄭當持字莊陳人孝文時以任俠自喜。喜好脫張羽於阮將楚相之弟也。聲聞梁楚間孝景時為太子舍人每五日洗沐常置驛馬長安諸郊。如淳曰使請謝賓客夜以繼日常恐不備其知友皆大父行。師古曰大父天下有名之士武帝時遷大司農當時為大吏戒門下客至亡貴賤亡留門者執賓主之禮以其貴下人其推轂士及官屬丞師古曰推轂言薦舉常引以為賢於己聞人之善言進之上唯恐後山東諸公以此翕然稱鄭莊後陷罪起為汝南太守卒家亡餘財先是下邳翟公為廷尉賓客亦填門及廢門外可設爵羅後復為廷尉客欲往翟公大署其門曰師古曰署謂書之

一死一生。迺知交情。一貧一富。迺知交態。一貴一賤。交情乃見。

權靖二妙

岳湛連璧

晉書。衛權字伯玉。河東安邑人。武帝時。拜尚書令。加侍中。性嚴整。以法御下。視尚書若參佐。官郎若掾屬。書郎尚權學問深博。明習文藝。與尚書郎索靖俱善草書。時號一臺二妙。漢末張芝亦善草書。論者謂權得伯英筋。靖得伯英肉。權筆勝靖。然有楷法。楷式遠不能及。靖字幼安。敦煌人。少有逸羣之量。與鄉人汜表張彪索紝永俱詣大學。官學馳名海內。號稱敦煌五龍。靖該博經史。舉賢良。對策高第。累遷遊擊將軍。伯英芝字也。

第六列傳

第十五列傳

童謂終賈之儔也。終賈。夏侯湛字孝若。譙國譙人。幼有盛才。文章宏富。善構新詞。構結起美容觀。與潘岳友善。每行止同輿。接茵。京都謂之連璧。岳美姿儀。辭藻絕麗。文辭少時常挾彈。出洛陽道。彈行丸。婦人遇之者。皆連手縈繞。縈旋投之以果。滿車而歸。舉秀才。名冠世。為眾所疾。棲遲十年。出為河陽令。負其才也。負恃鬱鬱不得志。後至黃門侍郎。湛舉賢良。對策中第。終散騎常侍。

卻詵一枝

戴憑重席

晉書。卻詵字廣基。濟陰單父人。博學多才。瓌偉倜儻。瓌偉。倜儻。卓異也。皆言人才非常也。皆不拘細行。州郡禮命並不應。禮命。以泰始中舉賢良。賢良。賢良。取士。對策上第。拜議郎。遷雍州刺史。武帝於東堂會送。問詵曰。卿自以為何如。詵對曰。臣舉賢良。對

第十二列傳

策為天下第一。猶桂林一枝。崑山片玉。崑山即崑崙山也。帝笑。詔

後漢戴憲字次仲。汝南平輿人。光武時。舉明經。試博士。明
博士。並取經者。更相難詰。義有不通。輒奪其席。以益通者。憑遂重。坐
之科。且五十餘席。故京師為之語。曰。解經不窮。戴侍中。舊本憑作
馮誤。

鄒陽長裾

王符縫掖

前漢鄒陽齊人。為人有智略。慷慨不苟合。慷慨。激漢興諸
侯王皆自治。民聘賢。得復與政事。自聘。人故曰漢興。吳王
濞招致四方游士。陽仕吳。以文辯著名。久之。吳王以太子
事。怨望。稱疾不朝。孝文時。吳太子。師皆楚人。輕悍。又素驕。博爭

道不恭。皇太子引博。司提吳太子殺之。於是遣其喪歸葬。
吳王愠曰。天下。一宗。死。長安。即葬。長安。何必來葬。復遣
喪。之。長安。葬。陰有邪謀。陽奏書諫。略曰。今臣盡智畢議。易
由是怨望。如淳曰。改易精。則無國不可奸。奸與干通。飾固陋
精極慮。思極盡。謀慮。則無國不可奸。奸與干通。飾固陋
之心。則何王之門。不可曳長裾乎。然臣所以歷數王之朝。
背淮千里。而自致者。非惡臣國。而樂吳民也。竊高下風之
行。尤說大王之義。師古曰。在下風。側聽。願大王無忽。無忽
王不納。陽乃去。從梁孝王。卒為上客。

後漢王符字節信。安定臨涇人。少好學。有志操。操所耿介
不同於俗。耿介。剛以此。遂不得升進。乃隱居著書三十餘
篇。以譏當時。失得。號潛夫論。後度遼將軍皇甫規解官歸。
鄉人有以貨得鴈門太守者。亦去職。還家。書刺謁規。書于
曰。規臥不迎。既入。而問卿前在郡。食鴈美乎。有頃。又白。

王符在門規素聞符名乃驚遽而起衣不及帶屣履出迎
屣履謂足跟不正援符手而還與同坐極歡時人為之語
納履曳之而行也曰徒見二千石不如一縫掖
禮記縫作逢鄭玄曰逢大也
大掖之衣也儒生也言書生道義之為貴也後竟不仕

鳴鶴日下

士龍雲間

列傳第十四

晉書陸雲字士龍六歲能屬文性清正有才理少與兄機
齊名雖文章不及機而持論過之號二陸幼時吳尚書閔
鴻見而奇之曰此兒若非龍駒是鳳雛龍馬也後舉雲賢良
吳平入洛雲與荀隱未相識嘗會張華坐華曰今日相遇
可勿為常談雲因抗手曰雲間陸士龍隱曰日下荀鳴鶴
鳴鶴隱字也雲又曰既開青雲觀白雉白雉瑞鳥也何不張爾
弓挾爾矢隱曰本謂是雲龍駉駉駉駉馬也乃是山鹿野麋

獸微弩強是以發遲華撫手大笑刺史周浚召為從事謂
人曰士龍當今之顏子也聞一知十官至中書侍郎與機同被
害初雲嘗行逗宿故人家逗與投通夜暗迷路莫知所從忽望
草中有火趣之至一家寄宿見一年少美風姿共談老子
辭致深遠向曉辭去行十許里至故人家云此數十里中
無人居雲意始悟卻尋昨宿處乃王弼家雲本無玄學老
道曰自此談老殊進

晉宣狼顧

漢祖龍顏

晉宣皇帝諱懿字仲達河內溫縣孝敬里人姓司馬氏少
聰朗多大略博學洽聞洽周備也漢末大亂常慨然有憂天下
心魏武為丞相辟為文學掾累遷相國武帝受禪上尊號
曰宣皇帝帝內急而外寬猜忌而多權變權數變魏武察帝

有雄豪志。聞有狼顧相。欲驗之。乃召使前行。令反顧。面正
向後。而身不動。又嘗夢三馬同食一槽。三馬象司馬懿。師
槽。食曹氏之象。甚惡焉。因謂太子丕曰。司馬懿非人臣也。必預汝
家事。太子素與帝善。每相全佑。故免。

本紀

前漢高祖諱邦。字季。沛豐邑中陽里人。姓劉氏。母媪嘗息
大澤之陂。夢與神遇。是時雷電晦冥。父太公往視。則見交
龍於上。已而有娠。遂產高祖。隆準而龍顏。應劭云。隆高也。
李斐云。準。鼻也。
美鬚髯。左股有七十二黑子。寬仁愛人。意豁如也。豁。如。開
大之。常有。大度。不事家人。生產作業。

鮑靚記井

羊祐識環

列傳

晉書鮑靚字太玄。東海人。年五歲語父母云。本是曲陽李
家兒。九歲墮井死。其父母訪問。尋李家。訪問其事。皆符驗。靚學兼

內外儒與。明天文。河洛書。後遷南海太守。嘗見仙人陰君
授道訣。訣。方術。要法也。百餘歲卒。

列傳

晉羊祐字叔子。泰山南城人。世吏二千石。至祐九世。並以
清德聞。祐年五歲時。令乳母取所弄金環。乳母曰。汝先無
此物。祐即詣鄰人李氏東垣桑樹中探得之。主人驚曰。此
吾亡兒所失物。云何持去。乳母具言之。李氏悲惋。惋。駭也。
恨也。時
人異之。謂李氏子。即祐之前身也。祐博學。能屬文。魏高貴
鄉公時。公車徵。拜中書侍郎。公車。署名。後漢光武詔。公卿
人遣詣。公車。朕將覽試焉。武帝晉武有滅吳之志。以祐都
督荊州諸軍事。出鎮南夏。累進征南大將軍。南城侯。卒。贈
大傅。初有善相。莫者言祐祖墓所有帝王氣。若鑿之。則無
後。祐遂鑿之。相者見曰。猶出折臂三公。祐竟墮馬折臂。仕

至公而無子。枯樂山水。每風景。必造峴山。置酒言談。終日不倦。襄陽百姓於祐。平生遊憩之所。建碑立廟。歲時享祀。望其碑者。莫不流涕。思其恩惠。又感得百姓之心。杜預因名為墮淚碑。荊州人為祐諱名云。言書不也。

仲容青雲

叔夜玉山

晉書阮咸字仲容。陳留尉氏人。任達不拘。任其性。曰任。與不拘曰達。與叔父籍為竹林之游。當世譏其所為。咸與籍居道南。諸阮居道北。北阮富而南阮貧。七月七日。北阮盛曬衣服。錦綺繁目。咸以竿挂大布犢鼻於庭。犢鼻穴在膝下。禪裁至膝。謂者益處禪中者是也。曰未能免俗。歷散騎侍郎。妙解音律。善彈琵琶。雖處世不交人事。唯共親知絃歌酣宴而已。荀勗每與咸論音律。自以為遠不及疾之。出補治平太守。顏延羊作

五君詠。五君阮籍嵇康劉伶阮咸向秀。其一曰。仲容青雲器。青雲高遠也。實稟生民秀。達音何用深。識微在金奏。奏樂先擊鐘。故樂謂之金奏。郭奕已心醉。大原郭奕見咸心醉不覺歎服。山公非虛觀。屢薦不入官。一麾乃出守。觀見也。山濤屢薦而帝不能用。荀勗一召乃出。晉嵇康字叔夜。有奇才。遠邁不羣。美詞氣。有風儀。而土木形骸。不自藻飾。人以為龍章鳳姿。謂自然美也。天質自然。恬靜寡欲。含垢匿瑕。寬簡有大量。博覽該通。長好老莊。與魏宗室婚。拜中散大夫。所與交者。唯阮籍山濤。預其流者。向秀劉伶。阮咸。王戎。為竹林之遊。世所謂竹林七賢也。戎與叔夜居山陽。二十年。未嘗見其喜愠之色。世說曰。叔夜之為人。岳岳若孤松之獨立。岳岳通作巖。巖巖高貌。其醉也。傀俄若玉山之將頽。傀俄傾貌。

毛義奉檄

子路負米

後漢毛義字少節。廬江人。家貧。以孝行稱。南陽張奉慕其名。往候之。坐定。而府檄適至。後漢書注。檄。徵召之書也。以義為守令。義奉檄而入。喜動顏色。奉者志尚士也。尚高也。心賤之。自恨來固辭而去。及義母死。去官行服。數辟公府為縣令。進退必以禮。後舉賢良。公車徵不至。張奉歎曰。賢者固不可測。往日之喜。乃為親屈。所謂家貧親老。不擇官而仕者也。章帝下詔褒寵義。賜穀千斛。常以八月。長吏問起居。加賜羊酒。壽終於家。

家語仲由字子路。見孔子曰。負重涉遠。不擇地而休。家貧親老。不擇祿而仕。昔由事二親之時。常食藜藿之實。為親負米百里之外。見沒之後。南遊於楚。從車百乘。積粟萬鍾。累茵而坐。列鼎而食。願欲食藜藿為親負米。不可得也。子曰。由也事親。可謂生事盡力。死事盡思者也。

江革巨孝

王覽友弟

後漢江革字次翁。齊國臨淄人。少失父。獨與母居。遭亂。負母逃難。備歷阻險。常採拾以為養。捨遺也。數遇賊。或劫欲將去。革輒涕泣言有老母。辭氣愿款。後漢書注。愿。謹也。款。誠也。有足感動人者。賊不忍犯之。革轉客下邳。窮貧裸跣行傭。以供母。建武末。與母歸鄉里。至歲時。縣當案比。注。案。驗年貌。比。之。猶唐貌閱。革以母老。不欲搖動。自在輓中。輓車不用牛馬。由是鄉里稱江巨孝。注。巨。大也。及母終。舉賢良方正。遷司空。長史。肅宗崇禮之。拜諫議大夫。賜告歸。注。告。請假也。漢制。吏二千石。病滿三月。當免。天子優賜其告。使得帶印綬。將官屬歸家。養病。謂之告歸。因謝病。常以八月。長吏存問。致羊酒。以終

厥身。巨孝之稱。行於天下。舊本巨作忠非。

釋

晉王覽字玄通。母朱遇兄祥。無道。覽年數歲。見祥被楚撻。楚撻也。所撻者。輒涕泣抱持。每諫其母。母少止凶虐。朱屢以非理使祥。覽輒與俱。又虐使祥妻覽。妻亦趨而共之。朱患之。乃止祥喪。交後。漸有時譽。朱疾之。密使酖祥。酒有鴆。覽知之。徑起取酒。祥疑其有毒。爭而不與。朱遽奪反之。與自後。朱賜祥饌。覽輒先嘗。覽孝友恭恪。名亞於祥。仕至光祿大夫。門施行馬。行馬。交互木。以為遮闕。施之門。晉制。令十萬給吏卒。門施行馬。終致仕。及遜位者。給牀帳單祿。賜錢二

蕭何定律

叔孫制禮

刑法

前漢高祖初入關。約法三章。章條也。曰殺人者死。傷人及盜抵罪。師古云。抵。獨削煩苛。細除也。秦民大說。其後四夷未

附。兵革未息。三章之法。不足以禦姦。於是相國蕭何。攔據

秦法。攔據。收拾也。取其宜於時者。作律九章。高祖布衣時。何數

以吏事護高祖。高祖為沛公。何嘗為丞督事。督。監視之也。沛公

至咸陽。諸將皆爭走金帛財物之府。分之。何獨先入。收秦

丞相御史律。令圖書藏之。沛公具知天下。阨塞戶口。多少

強弱。處民所疾苦者。以何得秦圖書也。高祖即位。論功。行

封。以何功最盛。先封酈侯。

列傳

前漢叔孫通薛人。秦時以文學待詔博士。師古云。於博降。

漢拜博士。號稷嗣君。裴駘云。稷。漢王為皇帝。悉去秦儀法。

為簡易。羣臣飲爭功。醉或妄呼。拔劍擊柱。上益厭之。通說

上願徵魯諸生與臣弟子共起朝儀。頗采古禮。與秦儀雜

就之。上使徵魯諸生與其弟子。叔孫通弟子。為綿蕝。野外。如淳

筮以茅剪樹地為習之月餘通曰上可試觀七年長樂宮
成諸侯羣臣朝十月行禮畢置酒以尊卑次起上壽觴九
行謁者言罷酒御史執法舉不如儀者輒引去竟朝無敢
喧譁失禮者帝曰吾乃今日知為皇帝之貴也拜通為奉
常奉常後改賜金五百斤

葛豐刺舉

息躬歷詆

前漢諸葛豐字少季琅琊人以明經為郡文學特立剛直
元帝擢為司隸校尉刺舉無所避刺舉刺譏也京師為之語
曰間何闊逢諸葛師古云言問者何久闊不相見以逢諸葛故也上嘉其節加秩
光祿大夫

前漢息躬字子微河內河陽人少為博士弟子武帝置
士教受春秋通覽記書師古云傳記及諸家之書哀帝擢光祿大夫給

事中上疏歷詆公卿大臣曰方今丞相王嘉健而蓄縮古師
各於事也云蓄縮謂各於事也不可用御史大夫賈延墮弱不任職左將軍
公孫祿司隸鮑宣皆外有直項之名項堅確不撓也內實駭不曉
政事師古云駭愚也諸曹以下僕逮不足數師古云僕逮凡短卒
有強弩圍城師古云卒長戟指闕陛下誰與備之

管寧割席

和嶠專車

世說管寧字幼安與華歆共園鋤菜見地有金寧揮鋤與
瓦石不異歆捉而擲之又嘗同席讀書有乘軒冕過門者
寧讀書如故歆廢書而看寧割席分坐曰子非吾友也寧
歆邴原俱遊學魏書邴原三人相善故時人號為一龍謂
寧為龍頭原為龍腹歆為龍尾
晉和嶠字長輿汝南西平人少有風格風風采也格標準也厚自崇

重有盛名於世。朝野許其能整風俗，理人倫。庾敳見而歎曰：嶠森森如千丈松，森森高雖礫石多節目。人性體卓特者曰礫石。施之大廈，也。屋有棟梁之用。累遷中書令。武帝深器遇之。舊監令中書監共車入朝。時荀勗為監，嶠鄙其為人，以意氣加之。每同乘高抗專車而坐。抗自舉也。專言獨占也。乃使監令異車，自嶠始也。

時苗留犢

羊續懸魚

魏略：時苗字德曹，鉅鹿人，少清白，為人疾惡。建安中為壽春令，令行風靡。其始之官，乘薄牽車，黃犢牛。犢牛，牝牛也。布被囊，歲餘牛生一犢，及去，留其犢，謂主簿曰：令來時本無此犢，犢是淮南所生。時人皆以為激。激，貪也。然由是名聞天下。後遷中郎將。

後漢羊續字興祖，太山平陽人，為南陽太守。班宣政令，候民病利，後漢書注：損於人曰利。百姓歎服。常敝衣薄食，車馬羸敗。府丞嘗獻其生魚，續受而懸之於庭。後又進之，續乃出前所懸者，以杜其意。靈帝欲以為太尉，時拜三公者皆輸東園禮錢千萬，令中使督之。中使，宦官也。名為左騶，其所之往輒迎，致禮敬厚，加贈賂。續乃坐使於單席，舉緼袍示之曰：臣所資唯斯而已。以此故不登公位。

樊噲排闥

辛毗引裾

前漢樊噲沛人，以屠狗為事。從高祖定天下，以功封舞陽侯。帝嘗病，惡見人，臥禁中，詔戶者無得入。羣臣羣臣絳灌等，周勃灌嬰莫敢入。十餘日，噲乃排闥直入。師古云：闥，宮中小門也。大臣隨之上，獨枕一宦者臥。噲等流涕曰：始陛下與臣等起豐沛

定天下何其壯也。今天下已定，又何憊也。師古云：憊，力極也。且陛下病甚，不見臣等計事，顧獨與一宦者絕乎。也。絕，死也。且獨不見趙高之事乎？帝笑而起。初，帝已定關中，項王至，怒欲攻之。帝從百餘騎見羽鴻門，亞父范增令項莊拔劍舞，欲擊帝。項伯常屏蔽之，噲聞事急，持盾直入，怒甚，羽壯之，賜以卮酒，彘肩噲飲酒，拔劍切肉食之。曰：臣死且不辭，豈特卮酒乎？帝如廁，噲出，獨騎馬。舍車，單騎。噲等步從山下走歸霸上，軍是日微噲幾殆。師古云：微，無也。

魏志：辛毘字佐治，潁川陽翟人。文帝踐阼，遷侍中。帝欲徙冀州士家十萬戶實河南，時連蝗，民饑，連年有蝗。羣司以為不可，而帝意甚盛。毘與朝臣俱求見帝，知其欲諫，作色以見之，皆莫敢言。毘曰：陛下不以臣不肖，置之左右，廁之謀議

之官，安得不與臣議？臣所言非私，乃社稷之慮也。帝不答，起入內，毘隨而引其裾，帝遂奮衣不還。良久乃出，曰：卿持我何太急？毘曰：今徙既失民心，又無以食，帝遂徙其半。嘗從帝射雉，帝曰：射雉樂哉！毘曰：於陛下甚樂，羣下甚苦。帝默然後遂，乃為之稀，出終衛尉。

孫楚漱石

郝隆曬書

晉書：孫楚字子荆，太原中都人，才藻卓絕，爽邁不羣。多所陵傲，缺鄉曲之譽。年四十餘始參鎮東軍事，終馮翊太守。初，楚少時欲隱居，謂王濟曰：當欲枕石漱流，誤云漱石枕流。濟曰：流非可枕，石非可漱。楚曰：所以枕流，欲洗其耳；所以漱石，欲厲其齒。厲，磨也。

世說：郝隆字佐治，汲郡人。七月七日出日中，仰臥，人問其

故曰我曬腹中書也。舊本問上脫人字今據世說補之

枚臯詣闕

充國自贊

前漢枚臯字少孺。至長安上書。北闕自陳。枚乘之子。始乘死。詔問乘子。無能為文者。乘在梁時。取臯母為小妻。取妻通及東歸。臯母不肯隨。留與母居。留臯與母居上得大喜。召入見。待詔因賦。殿中詔使賦。平樂館善之。拜為郎。使匈奴。臯不通經術。詠笑類俳倡。李奇云。詠。嘲也。師古云。俳。戲。倡。樂人也。師古云。媼。師古云。媼。藝。汗也。以故得媒。贖。貴。幸。贖。狎也。媼。比。東方朔郭舍人等。

前漢趙充國字翁孫。隴西上邽人。善騎射。補羽林。為人沈勇。有大略。少好將帥之節。而學兵法。通知四夷事。宣帝時。為後將軍。封營平侯。神爵初。諸羌背叛。犯塞。時充國年七

十餘。上老之。使御史大夫丙吉問誰可將者。充國對曰。亡

踰於老臣者。臣願馳至金城。圖上方略。師古云。圖。其地。形。也。奏。上。也。充國常以遠斥候為務。斥。度也。候。視望也。行。必為戰

備止。必堅營壁。尤能持重。愛士卒。先計而後戰。遂至西部

都尉府。孟康云。在金城。日饗軍士。士皆欲為用。虜數挑戰。充國堅

守。捕得生口。言羌豪相責曰。語汝亡反。今天子遣趙將軍

來。年八九十矣。善為兵。今請欲一鬪而死。可得邪。充國引

兵至先零。西羌之種。虜弃車重。車重。載器。物。車。也。赴水溺死者數百。降斬

五百餘。後罕拜不煩兵而下。罕。拜也。西種。遂上屯田。便宜十

二事。上聽其計。後罷屯兵。振旅而還。言勝而還也。軍出。日。治。兵。入。日。振。旅。乞。

骸骨。賜安車駟馬。黃金罷就第。每有四夷大議。常與參兵

謀。問籌策。薨。謚壯侯。初。充國以功德。與霍光等。列畫未央

宮成帝時西羌有警上思將帥之臣追美充國迺召黃門
郎楊雄即圖畫而頌之師古云即就也於畫側而書頌

王衍風鑒

許劭月旦

十三

晉書王衍字夷甫神情明秀風姿詳雅嘗造山濤既去濤
目送之曰何物老嫗生寧馨兒寧馨猶言如此也晉人語也然誤天下

蒼生者未必非此人武帝聞其名問其從兄戎曰夷甫當

世誰比戎曰未見其比當從古人中求耳補元城令終日

清談縣務亦理衍有盛才美貌明悟若神常自比子貢聲

名藉甚藉甚言到喜空言理曰空惟談老莊為事每捉玉

柄麈尾與手同色義理有所不安隨即改更世號口中雌

黃古人書用黃紙其改竄者以雌黃滅誤字朝野翕然謂之一世龍門翕合也

也後漢李膺為人所慕士有被其容接者名為登龍門此以魚為喻龍門水險魚龍莫能上得上則為龍累居

顯職後進景慕景仰歷尚書令及石勒寇京師以衍都督

征討諸軍事遷大尉眾共推為元帥舉軍為勒所破衍欲

求自免勸勒稱尊號勒怒曰君名蓋四海身居重任少壯

登朝至於白首何得言不豫世事邪勒呼衍與語衍自說

使人夜排墻填殺之填塞也謂壓殺王戎謂王衍神姿高徹如瑤

林瓊樹自然是風塵表物王敦曰夷甫處眾中如珠玉在

瓦石間顧愷之作畫贊亦稱衍巖巖清峙壁立千仞其為

人所尚如此

五十八

後漢許劭字子將汝南平輿人少峻名節好人倫儼人必

論此語二字評多所賞識時郭太亦知人故天下言拔士

者稱許郭曹操微時常卑辭厚禮求為己目目題目也命

劭鄙其人曰君清平之姦賊亂世之英雄操大悅而去初

劭與從兄靖俱有高名。好共覈論鄉黨人物。覈猶實也。每月朝更其品題。故汝南俗有月旦評焉。舉方正敦樸。不就。凡度亦知名。汝南稱平輿。淵有二龍焉。

賀循儒宗

孫綽才冠

晉書賀循字彥先。會稽山陰人。操尚高厲。厲嚴正也。童齒不羣。八歲言行進止。必以禮讓。建武初。為中書令。加散騎常侍。日亂。言行進止。必以禮讓。建武初。為中書令。加散騎常侍。固辭。改拜太常。朝廷疑滯。皆諮之。循輒依經禮而對。經禮義禮文也。為世儒宗。

晉書孫綽字興公。馮翊太守楚之子。博學善屬文。居會稽。遊放山水十餘年。絕重張衡左思賦。每云三都二京五經之鼓吹也。言為羽翼也。譬之樂章之待鼓吹以成也。嘗作天台賦。辭致甚工。初成。以示友人范榮期。云。卿試擲地。當作金石聲。榮期曰。

恐此金石。非中宮商。然每至佳句。輒云。應是我輩語。非他所能。除著作郎。後轉廷尉卿。綽少以文才稱。于時文士綽為其冠。溫王郁。庾諸公薨。溫嶠王導弟。超。庾亮。必須綽為碑文。然後刊石焉。

太叔辯給

執事辭翰

晉書執事虞字仲洽。京兆長安人。才學通博。著述不倦。舉賢良策為下第。第有上下。拜中郎。武帝詔會東堂。策問對畢。擢太子舍人。歷太常卿。虞性愛士。人有表薦者。常為其辭。東平太叔廣。樞機清辯。樞機要也。言言清辯而得要也。廣談虞不能對。虞筆廣不能答。更相嗤笑。紛然於世云。

山濤識量

毛玠公方

晉書山濤字巨源。河內懷人。少有器量。介然不羣。介然。有分。辨貌。

年四十始為郡上計掾舉孝廉武帝時遷吏部尚書前後
選舉周徧內外內外京官並得其才官至右僕射贈司徒
初濤布衣家貧謂妻韓氏曰忍飢寒我後當作三公但不
知卿堪作夫人不耳及居榮貴貞慎儉約謂韓氏也裴楷有知
人鑒嘗謂濤若登山臨下幽然深遠王戎亦目濤如璞王
渾金渾金也人皆欽其寶欽敬也莫知名其器梁任昉為范雲
讓尚書吏部表云在魏則毛玠公方居晉則山濤識量以
臣况之一何遼落三何亦何也遼
魏志毛玠字孝先陳留平丘人魏太祖為相玠嘗為東曹
掾後漢百官志太尉屬有東西曹掾西曹主府與崔琰並
典選舉其舉用皆清正士雖有盛名而行不由本者終莫
得進務以儉率人由是士以廉節自勵雖貴寵之臣輿服

三季

不敢過度太祖歎曰用人如此使天下人自治吾復何為
哉文帝為五官將親自詣玠屬所親眷玠答曰老臣以能
守職幸得免戾戾罪也今所說人非遷次是以不敢奉命請
謁不行時人憚之憚懼也初太祖平柳城班所獲器物特以素屏
風素馮几賜玠曰君有古人之風故賜君古人之服玠居
顯位常布衣蔬食賞賜以振施貧族魏國初建為僕射復
典選舉時太子未定而臨菑侯植有寵玠密諫曰近者袁
紹以嫡庶不分覆宗滅國廢立大事非所宜聞非个臣所
也太子後太祖目指曰此古所謂國之司直詩鄭我之周昌
也周昌諫
廢太子
袁盎卻坐
衛瓘撫牀
前漢袁盎字絲安陵人孝文時為中郎將上幸上林皇后

十九

慎夫人從其在禁中常同坐師古云高及坐郎署林
 直衛署云上林中盜引卻夫人坐夫人怒不肯坐上亦怒起盜因
 前說曰臣聞尊卑有序則上下和今陛下既已立后夫人
 迺妾主豈可同坐哉且陛下幸之則厚賜之陛下所以為
 慎夫人適所以禍之也獨不見人豕乎威夫上迺說入語
 慎夫人夫人賜盜金五十斤然亦以數諫不得久居中

列傳

晉書衛瓘字伯玉河東安邑人武帝時遷司空為政清簡
 甚得朝野聲譽惠帝為太子朝臣咸謂純質不能親政事
 惠帝瓘每欲陳啓廢之而未敢發後會宴陵雲臺瓘託醉
 因跪帝床前曰臣欲有所啓欲言而止者三因以手撫床
 曰此座可惜帝悟因謬曰謬佯不知之意公真大醉邪瓘不復有
 言賈后由是怨之後告老進位大保就第惠帝立以瓘錄

尚書事賈后素怨瓘且忌其方直不得騁己搖虛營帝作

詔免瓘官遂被害

于公高門

曹參趣裝

列傳

前漢于定國字曼倩東海郯人其父于公為縣獄史郡決
 曹主罪決獄平羅文法者師古云羅羅也文亦法也于公所決皆不恨
 郡中為之生立祠始其閭門壞父老方共治之于公謂曰
 少高大閭門令容駟馬高蓋車我治獄多陰德未嘗有所
 冤子孫必有興者至定國宣帝時為丞相封西平侯子永
 為御史大夫封侯傳世云

列傳

前漢曹參沛人從高祖有功割符封平陽侯高祖以長子
 肥為齊王以參為相國九年齊國安集大稱賢相蕭何薨
 參聞之告舍人趣治行師古云舍人猶家人也趣讀吾且

入相居無何果召參參代何為相舉事無所變更一遵何之約束參薨百姓歌之曰蕭何為相講若畫一和也畫一六齊言整曹參代之守而勿失載其清淨師古云載民以寧一

庶女振風

鄒衍降霜

淮南子曰庶女告天雷電下擊景公臺隕支體傷折海水大出許慎曰庶賤之女齊之寡婦無子不嫁事姑謹敬姑無男有女女利母財令母嫁婦婦終不肯女殺母以誣婦殺婦不能自明冤結告天燕鄒衍事燕惠王左右譖之被繫於獄仰天而哭盛夏天為之降霜江淹書曰昔者賤臣叩心叩心言恨也飛霜擊於燕地庶女告天振風襲於齊堂襲入

范冉生塵

晏嬰脫粟

後漢范冉字史雲冉或作丹陳留外黃人受業通經注受業於樊英就馬融通好違時絕俗為激詭之行激逆也常慕梁伯鸞閔仲叔之為人桓帝時為萊蕪長遭母憂喪也不到官後辟大尉府以狷急狷急褊也常佩韋於朝史記云兩門豹性急佩韋以自緩效之議者欲以為侍御史因遁逃梁沛間賣卜於市遭黨人禁錮遂推鹿車載妻子鹿車柴車也窄小拮拾自資拾遺穗以自給也詩云彼有遺秉此有滯穗伊寡婦之利或寓息客廬或依宿樹蔭如此十餘年乃結草室而居有時絕粒窮居自若閭里歌之曰甑中生塵范史雲甑炊釜中生魚范萊蕪晏子春秋曰晏嬰字平仲為齊相常食脫粟米脫粟米才脫粟而已言不精不重味

詰汾興魏

龍令王罽

一不紀

北史魏聖武皇帝諱詰汾嘗田於山澤見輜駟自天而下
輜駟四面有屏蔽既至見美婦人自稱天女受命相偶
之車婦人車也
偶且日請還期年周時復會于此言終而別及期帝至先
也
日處果見天女以所生男授帝曰此君之子也當世為帝
王語訖而去即始祖神元皇帝也故時人諺曰詰汾皇帝
無婦家力微皇帝無舅家力微神元諱

蜀王本記曰荆人鼈令死其屍流亡隨江水至上至成都見
蜀王杜宇屍燕立以為相為相立鼈令杜宇號望帝蜀始王曰
望帝自號自以德不如鼈令以其國禪之鼈令號開明帝下
至五代有開明尚始去帝號復稱王

不疑誣金

卞和泣玉

前漢直不疑南陽人為郎事文帝其同舍有告歸也休假

歸誤持其同舍郎金去已而同舍郎覺亡意不疑史記七
字句讀覺不疑謝有之買金償後告歸者至而歸金亡金郎

大慙以此稱為長者稍遷中大夫朝廷見人或毀曰師古
於闕廷大朝見不疑狀貌甚美然善盜嫂何也不疑聞曰
我乃無兄然終不自明景帝未為御史大夫

韓非子曰楚人和氏故曰卞和得玉璞楚山中奉獻厲王
王使玉人相之曰石也王以和為詐韓子作而則其左足
及武王即位和又獻之王使玉人相之又曰石也王又以

和為詐而則其右足世有論卞和者不知其寓言也不爾
則孰文王即位和乃抱其璞而哭於楚山之下三日三夜
泣盡而繼之以血泣無聲王聞之使人問其故曰天下之
別者多矣子奚哭之悲和曰吾非悲別也悲夫寶玉而題

之以石貞士而多之以詐此吾所以悲也王乃使玉人理其璞而得寶焉遂命曰和氏之璧

檀卿沐猴

謝尚鵠鵠

前漢平恩侯許伯入第師古云治第新成始入居之丞相御史將軍中二千石皆賀蓋寬饒為司隸校尉不行許伯請之酒酒酣樂作長信少府檀長卿起舞為沐猴與狗鬪師古云沐猴與狗鬪也坐皆大笑寬饒不說因起趨出劾奏長信少府以列卿而沐猴舞失禮不敬宣帝欲罪少府許伯為謝酒解寬饒字次公魏郡人明經以孝廉為郎舉方正對策高第為人剛直高節志在奉公然深刻喜陷害人又好言事刺譏奸犯上意時上方用刑法信任宦官寬饒奏曰方今聖道寤廢儒術不行以刑餘為周召以法律為詩書又引韓氏易傳

言五帝官天下三王家天下家以傳子官以傳賢若四時之運功成者去上以其怨謗遂下吏不得其人則去其位文故執金吾議以為寬饒指意欲求禪大逆不道自剄

晉謝尚字仁祖八歲神悟夙成其父鯤嘗攜之送客或曰此兒一座之顏回也尚曰坐無尼父焉別顏回席賓歎異及長善音樂博綜眾藝王導比之王戎長呼為小安豐王戎封安豐侯故云辟為掾始到府通謁導以其有勝會也勝會猶盛會也謂曰聞君能作鵠鵠舞一座傾想尚便著衣憤而舞憤者謂曰聞君能作鵠鵠舞一座傾想尚便著衣憤而舞憤者如中髮導令坐者撫掌擊節尚俯仰其中旁若無人其率詣如此率真率也終衛將軍散騎常侍

太初日月

季子野陽秋

魏志夏侯玄字太初沛國譙人少知名弱冠為黃門侍郎

列傳

嘗進見與皇后弟毛曾並坐。玄耻之，不悅形於色。明帝恨之，左遷羽林監。世說曰：曾與玄共坐，時人謂兼葭倚玉樹也。兼葭，微物也。又云：朗朗如日月之入懷也。

晉褚裒字季野，河南陽翟人。康獻皇后父也。少有簡貴之風，與杜乂俱有盛名，冠于中興。謂東晉元帝之世，桓彝目之曰：季野有皮裏陽秋。簡文后諱阿春也。避言其外無臧否，而內有所褒貶也。謝安亦雅重之，常云：裒雖不言，而四時之氣亦備矣。裒有輕重，如四時，仕至征北大將軍。

荀陳德星 李郭仙舟

異苑：陳寔字仲弓，荀淑字季和，仲弓與諸子姪造，季和父子討論，新刻本脫討論二字，蓋據世說。于時德星聚，德星也。太史奏曰：五百里內有賢人聚。

列傳

後漢郭太，字林宗，太原界休人。家世貧賤，博通墳籍，善談論，美音制。制，節制也。言遊洛陽，始見河南尹李膺，膺大奇之，遂相友善，名震京師。後歸鄉里，諸儒送至河上，車數千兩。林宗唯與膺同舟，而濟。膺送而賓客望之，以為神仙焉。

王忱綉被

張氏銅鈎

列傳

後漢王忱字少林，廣漢新都人。嘗詣京師，於空舍中見一書生，金彥疾困，愍而視之，生曰：我命在須臾，腰下有金十斤，願以相贈。死後乞藏骸骨，已而命絕。忱驚，一斤營葬。餘悉置棺下，人無知者。忱後署大度亭長，代領初到有馬，馳入亭中而止。其日大風飄，一綉被復隨忱前，即言之於縣。縣以歸忱，後乘馬到雒縣，主人見之，問所由，得馬，忱具說。

其狀并及綉被。主人曰：卿何陰德而致此？性因說葬書生事。主人驚曰：是我子也。大恩久不報，天以此彰卿德耳。由是顯名。仕郡為功曹。

三輔決錄：扶風張氏之先為郡功曹。晨起當朝，有鳩從承塵上。承塵施於居處也。飛下几前。功曹曰：鳩何來？為福飛上。承塵為福飛入我懷，開懷待之。鳩乃飛入懷中，探得銅鈎。帶之。官至數郡太守。九卿有蜀客至長安，私賂張氏婢，婢賣鈎與蜀客。客家喪禍懼而還，張氏得鈎復為二千石。後失鈎，張氏遂衰。

丁公遠戮

雍齒先侯

前漢丁公薛人。李布母弟。師占云：此同母異父之弟。為項羽將，逐窘高祖彭城西。短兵接，高祖急，願謂丁公曰：兩賢豈相戾哉？丁

公引兵還，及項羽滅，丁公謁見高祖，以丁公徇軍中。徇，行也。曰：丁公為項王臣，不忠，使項王失天下者也。遂斬之。曰：使後為人臣，無效丁公也。

見子張傳

前漢高祖居雒陽南宮，從復道望見。復道，閣道也。上諸將往往偶語，而相對。上問張良，良曰：陛下起布衣，與此屬取天下，今已為天子，而所封皆蕭曹故人所親愛，所誅者皆平生仇怨。此屬畏陛下不能盡封，又恐見疑過失，及誅故相聚謀反耳。上平生所憎，羣臣所共知，誰最甚者？上曰：雍齒與我有故怨，數窘辱我，我欲殺之，為功多，不忍。良曰：今急先封齒，以示羣臣，則人人自堅矣。於是上置酒封齒，為什方侯，而急趣丞相御史定功行封，羣臣罷酒皆喜曰：雍齒且侯，我屬無患矣。

漢書卷之十

陳雷膠漆

范張雞黍

後漢陳重字景公。豫章宜春人。少與鄱陽雷義為友。義字仲公。太守舉重。孝廉。重以讓義。太守不聽。義明年舉。孝廉。俱在郎署。署也。後俱拜尚書郎。義代同時人受罪。以此黜退。重見義去。亦以病免。義後舉茂才。茂才。取士科目。本曰秀才。避光武諱。曰茂才。讓於重。不應命。鄉里為之語曰。膠漆自謂堅。不如陳與雷。三府同時俱辟。三府。大尉。司徒。司空。並至御史。

後漢范式字巨卿。山陽金鄉人。少遊大學。與汝南張劭為友。劭字元伯。二人並告歸鄉里。式謂元伯曰。後二年當還。將過拜尊親。見孺子焉。孺子。見其子也。乃共剋期日。後期方至。元伯具以白母。請設饌。以候之。迎候也。母曰。二年之別。千里結言。爾何相信之審。對曰。巨卿信士。必不乖違。母曰。

若然。當為爾醢酒。醢。醢也。至其日。巨卿果到。升堂拜飲。盡歡而別。舊注引殺雞炊黍事。無載。據題此二事不可闕。

周侯山嶷

會稽霞舉

世說曰。世目周侯嶷如斷山。嶷。高貌。注晉陽秋曰。嶷正情嶷然。雖一時儕類。皆無敢媒近也。媒。狎也。周侯謂周顛也。

世說曰。海西時。東晉廢帝奕。諸公每朝。朝堂猶暗。唯會稽王來。軒軒如朝霞舉。軒。高也。出。謂道子也。司馬道子也。

季布一諾

阮瞻三語

前漢季布楚人。任俠有名。任俠。孟一敵注。頂籍使將兵。數窘高祖。如淳云。籍滅高祖。購求布千金。敢有舍匿。罪三族。古師云。舍。止。窘。困也。籍。滅也。周氏。周氏。迺髡鉗布衣。褐。有罪者。罰。鬻。鐵束頸也。師古云。褐。毛。置廣柳車中。喪車。并與其家僮數布之衣也。賤者所服。

十之魯朱家所賣之朱家心知其季布也乃見於陰侯滕公師古云夏說曰季布何罪臣各為其主用職耳項氏臣可盡誅耶今上始得天下而以私怨求一人何示不廣也滕公言於上上乃赦布召見拜郎中後為河東守布初不說辯士曹丘生生至揖布曰楚人諺曰得黃金百不如得季布諾足下何以得此聲梁楚之間哉僕與足下俱楚人使僕游揚足下名顧不美乎何距僕深也布大說引為上客史記得黃金百斤不如得季布諾

九

晉阮瞻字千里始平太守咸之子性清虛寡欲自得於懷讀書不甚研求而默識其要遇理而辯辭不足而旨有餘見司徒王戎戎問曰聖人貴名教老莊明自然其旨同異瞻曰將無同將將然之辭也偏修則無同善我咨嗟良久

即命辟之時謂之三語掾永嘉中為太子舍人瞻素執無鬼論自謂此理可以辯正幽明忽有客通名謁瞻瞻與之言良久及鬼神之事反覆甚苦客遂屈乃作色曰鬼神古今聖賢所共傳君何得獨言無即僕便是鬼於是變為異形須臾消滅瞻大惡歲餘病卒

郭文遊山

袁宏泊渚

晉書郭文字文舉河內軹人少愛山水尚嘉遯易云嘉每游山林彌旬忘反父母終不娶辭家游名山洛陽陷西晉未亂乃步擔入吳興餘杭大辟山中窮谷無人之地倚木於樹苦覆其上而居焉亦無壁障時極獸為暴而文獨宿十餘年卒無患常著鹿裘葛巾不飲酒食肉王導召置園中七年未嘗出入後逃歸臨安結廬山中

三李

晉袁宏字彥伯。陳郡陽夏人。有逸才。文章絕美。謝尚時鎮牛渚。秋夜乘月。與左右微服泛江。微服。變服使人不知。曰微服。在船中。諷詠聲清。辭文藻拔。遣問焉。遣。遣人。即迎升舟。與譚論。申且。不寐也。申。達。自此名譽日茂。謝安常賞其機對辯速。後安為揚州刺史。宏出為東陽郡。乃祖道於冶亭。祖道。謂行神。送行者。飲于其側。曰餞。時賢皆集。安欲以卒迫試之。臨別執其手。顧左右取一扇授之。曰。聊以贈行。宏曰。輒當奉揚仁風。慰彼黎庶。時人歎其率而要焉。率。倉卒也。

黃琬對日

秦宓論天

一李

後漢黃琬字子琰。江夏安陸人。少辯慧。祖父瓊初為魏郡太守。建和元年正月日食。京師不見。瓊以狀聞。太后詔問所食多少。瓊對未知所况。况。譬也。琬年七歲在旁。曰。何不言

一李

日食之餘如月之初。瓊大驚。以其言應詔。深奇愛之。後瓊為司徒。琬以公孫拜童子郎。司徒三公也。故琬為公孫。不就。知名京師。獻帝初遷大尉。坐免。及徙西都。起為司隸校尉。與司徒王允同謀誅董卓。為卓將李傕所害。
蜀志秦宓字子勅。廣漢綿竹人。少有才學。拜長水校尉。吳遣使張溫來聘。百官往餞。餞。送也。溫歸。吳眾集。而宓未往。丞相亮遣使促之。溫曰。彼何人也。亮曰。益州學士也。及至。溫問曰。君學乎。宓曰。五尺童子。皆學。宓曰。何必小人。溫復問曰。天有頭乎。宓曰。有。本傳此下有溫。在西方。詩曰。乃眷西顧矣。大雅。皇以此推之。溫曰。天有卑乎。宓曰。天處高而聽卑。詩云。鶴鳴九臯。聲聞于天。小雅。鶴鳴。無耳。何以聽之。溫曰。天有足乎。宓曰。詩云。天步艱難。小雅。白華。無足。何以步之。溫曰。天

有姓乎。宓曰：姓劉。天子姓劉，以此知之。溫曰：日生於東乎。宓曰：雖生於東而沒於西，答問如響應聲。溫大敬服。宓之文辭皆此類。舊本宓誤作宓。

孟軻養素

楊雄草玄

史記孟軻，鄒人。受業子思之門人。道既通，游事齊宣王。梁惠王皆不能用，以為迂遠而闕於事情。是時天下方務合從連衡以攻伐為賢，而孟軻乃述唐虞三代之德，是以所如者不合。退而與萬章之徒序詩書，述仲尼之意，作書七篇。嘗曰：我善養吾浩然之氣。養其質以全真。

前漢楊雄字子雲，蜀郡成都人。有田一壥，晉灼云：一壥，百有宅一區。世世以農桑為業。雄少而好學，不為章句訓詁。字義也。通而已。通大義。博覽無所不見。為人簡易佚蕩。

云：佚蕩，口吃，不能劇談。晉灼云：劇，甚也。疾也。疾言，默而好深湛。

之思，湛讀清靜，亡為少嗜欲。亡音無。嗜，音通。不汲汲於富貴，不

戚戚於貧賤。師古云：汲，汲，欲也。速。不修廉隅以徼名當世。

家產不過十金之無儋石之儲。晏如也。儋，負擔也。一石，為儋。

言人儋之，自有大度。非聖哲之畫不好。非其意，雖富貴不

事。哀帝時，丁傅董賢用事。丁，哀帝母丁氏兄明。傅，傅太后父傅晏。諸附離之

者。師古云：或起家至二千石。時雄方草太玄，有以自守。泊

如也。泊，安也。或譎雄以玄尚白。雄解之，號曰解難。

太深。眾人之不好，雄解之，號曰解難。

向秀聞笛

伯牙絕絃

晉書向秀，字子期，河內懷人。清悟有遠識，少為山濤所知。雅好老莊之學。莊周內外篇，歷世雖有觀者，莫適論

所。向秀字子期，河內懷人。清悟有遠識，少為山濤所知。雅好老莊之學。莊周內外篇，歷世雖有觀者，莫適論

其旨統秀乃為之解發明音趣振起玄風讀之者超然心
 悟郭象又述而廣之儒墨之迹見鄙道家之言遂盛焉
 康善鍛秀為之佐相對欣然旁若無人康誅秀入洛作思
 舊賦云嵇博綜技藝於絲竹特妙臨當就命也顧視日
 影索琴而彈之遊將西邁之秀西經其舊廬于時日薄
 虞泉虞泉日入處也寒水凄然鄰人有吹笛者發聲寥亮寥亮高遠也
 追想曩昔游宴之好感音而歎故作賦云後為散騎常侍
 在朝不任職容迹而已

列子曰伯牙善鼓琴鍾子期善聽伯牙鼓琴志在高山子
 期曰善哉峩峩乎若泰山峩峩山高貌志在流水子期曰善哉
 洋洋兮若江河洋洋水大貌伯牙所念子期必得之呂氏春秋
 曰鍾子期死伯牙破琴絕絃終身不復鼓琴以為無足為
 鼓者

郭槐自屈

南康猶憐

晉書賈充字公閭平陽襄陵人前妻李豐女豐誅李氏坐
 流徙後娶郭槐郭配女號廣城君武帝踐阼李以赦還特
 詔充置左右夫人郭槐性妬忌怒攘袂數充曰判定律令
 充嘗刊刊律令為佐命之功我有其分李那得與我並充乃為李
 築室於永平里而不往來惠帝為太子納槐女為妃初槐
 欲省李氏充曰彼有才氣卿往不如不往及女為妃乃盛
 威儀而去去行既入戶李氏出迎槐不覺脚屈因遂再拜
 自是充每出槐使人尋之恐其過李氏李氏淑美有才行
 作女訓行於世舊本槐作隗非
 世說曰桓温尚明帝女南康公主温平蜀以李勢妹為妾

甚有寵。嘗著別齋。後嘗與常通。主聞與數十婢拔刀襲之。值李梳頭髮垂地。姿貌端麗。乃徐下地。結髮歛手。向主曰。國破家亡。無心至此。今日若能見殺。猶生之年。神色閑正。辭氣悽惋。悽惋悲也。主於是擲刀前。抱之曰。我見汝亦憐。何況老奴。遂善遇之。

魯恭馴雉

宋均去獸

後漢魯恭字仲康。扶風平陵人。肅宗時。拜中牟令。專以德化為理。治不任刑罰。郡國螟傷稼。犬牙緣界。不入中牟。土地相交。如犬牙。河南尹袁安聞之。疑其不實。使仁恕掾肥親往廉之。也。恭隨行。阡陌俱坐桑下。有雉過。止其傍。傍有童兒親曰。兒何不捕之。兒言雉方將雛。親瞿然起。與恭訣曰。所以來者。欲察君政迹耳。今蟲不犯境。化及鳥獸。豈

十五

子有仁心。二異也。還府。以狀白安。是歲嘉禾生。恭便坐庭中。安上書言狀。帝異之。在事三年。州舉尤異。去。官吏人思之。後為司徒。性謙退。奏議依經。潛有補益。然不自顯。故不以剛直為稱。

三十一

後漢宋均字叔庠。南陽安眾人。光武時。遷九江太守。郡多虎暴。數為民患。常募設檻。穿機以捕獸。穿。穿地陷之也。猶多傷害。均到。下記屬縣曰。夫虎豹在山。鼉鼉在水。各有所託。且江淮之有猛獸。猶北土之有雞豚也。今為民害。咎在殘吏。而勞動張捕。非憂恤之本。可一去。檻穿。其後傳言。虎相與東游。度江。

廣客蛇影

殷師牛鬪

晉書樂廣字彥輔。南陽清陽人。遷河南尹。常有親客。親睦之客。

來久闊不復來。久遠廣問其故。答曰：前在坐蒙賜酒，方飲忽見盃中有蛇，意甚惡之。既飲而疾于時，河南廳事壁上，有角弓。用角飾漆畫作蛇，廣意盃中蛇，即角弓影也。復置酒於前，處謂客曰：盃中復有所見，不答曰：所見如初。廣乃告其所以，客豁然意解。沈疴頓愈。廣所在為政，無當時功譽。每去職，遺愛為人所思。凡論人，必先稱其所長，則所短不言而自見。後代王戎為尚書令，始戎薦廣而終踐其位。戎其位而時人美之

晉殷仲堪，陳郡人。父師晉陵太守。初師病積年，仲堪衣不解帶，躬學醫術，究其精妙，執藥揮淚，遂眇一目。居喪毀，以孝聞。孝武帝召為中庶子，甚相親愛。其父仲堪嘗患耳聰，聞牀下蟻動，謂之牛鬪。帝素聞之，而不知其人，至是問仲

堪曰：患此者為誰？仲堪流涕而起，曰：臣進退維谷。谷，退維也。詩云：進退維谷。帝有愧焉。仲堪能清言，每云：三日不讀道德論，便覺舌本間彊。其談理與韓康、伯齊名。後假節鎮江陵，為桓玄追兵逼殺。

元禮模楷 季彥領袖

後漢李膺，字元禮，潁川襄城人。性簡亢，無所交接。舉孝廉高第，遷河南尹。及黨議起，流言轉入大學，諸生三萬餘人。郭林宗賈偉節為其冠，並與膺、陳蕃、王暢更相褒重。學中語曰：天下模楷李元禮，不畏彊禦陳仲舉。詩云：不畏彊禦。德、仲、泰、蕃、字、天

下俊秀王叔茂。暢時張成善風角。角，隅也。候四隅。風，以知吉凶。推占當

赦。前知教子殺人，膺按殺之。其弟子上書告膺等共為部黨，誹訕朝廷。桓帝震怒，逮捕黨人，收執膺等，後赦歸田里。

翼而飛。無足而走。解嚴毅之顏。開難發之口。錢多者處前。少者居後。錢之所祐。吉無不利。何必讀書。然後富貴。昔呂公欣悅於空版。漢書呂公客於沛令。沛中豪桀聞令有重客。皆往賀。高祖給為謁。賀錢萬。實不持一錢。漢高克之於贏。二。克負荷也。贏餘也。高祖微時。役咸陽。益封何二千戶。以嘗役文君解布裳而被錦綉。相如乘高蓋而解犢鼻。如錢十萬也。相官尊名顯。皆錢所致。無德而尊。無勢而熱。排金門而入紫闥。危可使安。死可使活。貴可使賤。生可使殺。諺曰。錢無耳。可使鬼。凡今之人。唯錢而已。疾時者傳其文。後莫知所終。

後漢崔烈。涿郡安平人。有重名於北州。歷郡守九卿。靈帝時。開鴻都門。榜賣官爵。懸榜示告。公卿以下皆有差。富者先入錢。貧者到官。而後倍輸。或因常侍阿保。別自通達。注云。阿保。謂傳

列傳

也。是時段熲等。雖有功勳名譽。然皆先輸貨財。而後登公位。烈因傳母入錢五百萬為司徒。嘗問其子鈞曰。吾居三公。於議者如何。鈞曰。大人少有英稱。歷位卿守。人謂當為三公。今登其位。天下失望。烈曰。何為然也。鈞曰。論者嫌其銅臭。後拜大尉。董卓既誅。拜城門校尉。

梁竦廟食。趙溫雄飛。

後漢梁竦字叔敬。安定烏氏人。閉門自養。以經籍為娛。著書數篇。名曰七序。班固見而稱曰。孔子著春秋。而亂臣賊子懼。梁竦作七序。而竊位素餐者慙。竦自負其才。鬱鬱不得意。嘗登高遠望。歎息言曰。大丈夫居世。生當封侯。死當廟食。如其不然。閑居可以養志。詩書足以自娛。州郡之職。徒勞人耳。後辟命不就。肅宗納其二女。皆為貴人。女小貴。

列傳

人生和帝竇皇后養以為子。諸竇怨梁氏得志為己害遂
譖殺二貴人而陷竦以惡逆死獄中。和帝立追封褒親愍
侯。

十七

後漢趙溫字子柔蜀郡成都人初為京兆郡丞歎曰大丈
夫當雄飛安能雌伏遂弃官去歲饑散家糧振窮餓所活
萬餘人獻帝西遷遷都遂為三公。

枚乘蒲輪

鄭均白衣

三十

前漢枚乘字叔淮陰人為吳王濞郎中王謀為逆乘奏書
諫王不用卒見禽滅乘由是知名景帝召拜弘農都尉乘
久為大國上賓與英俊並游不樂郡吏以病去官復遊梁
及孝王薨歸淮陰武帝即位乘年老迺以安車蒲輪徵乘
師古云安車坐乘之道死

十七

後漢鄭均字仲虞東平任城人少好黃老書建初中舉直
言不詰公車特徵羊祜識環下于再遷尚書數納忠言肅
宗重之後告歸帝東巡乃幸均舍勅賜尚書祿尚書祿每
月七十石
以終其身時號為白衣尚書。

陵母伏劍

軻親斷機

十

前漢王陵沛人高祖起陵亦聚黨數千人及高祖擊項羽
迺以兵屬漢羽取陵母置軍中陵使至則東向坐陵母以
招陵陵母私送使者泣曰為妾語陵善事漢王漢王長者
毋以老妾故持心妾以死送使者遂伏劍而死
古列女傳鄒孟軻母其舍近墓孟子少嬉遊新刻本作好
遊非也列女
傳作為墓間之事孟母曰此非吾所以居處子也乃去舍
市傍其嬉戲乃賈人銜賣之事銜自又曰此非吾所以居
媒也

雙言學才

卷之上

五

處子也。復徙舍學官之旁。其嬉戲乃設俎豆。揖讓進退。孟母曰：真可以居吾子矣。遂居。及孟子既學而歸，孟母問學所至。孟子曰：自若也。孟母以刀斷其織，曰：子之廢學若吾斷斯織也。孟子懼，且夕勤學不息。師事子思，遂成名儒。君子謂孟母知為人母之道。

齊后破環

謝女解圍

戰國策曰：齊閔王遇弒，其子法章變姓名為莒太史家庸夫。庸與太史敷女奇其狀貌，以為非常人，憐而常竊衣食之與私焉。通法章立是為襄王。以太史氏女為王后。襄王卒，子建立后事。秦謹與諸侯信，以故建立四十餘年不受兵。此終秦昭王嘗使使者遺后玉連環，兩環相貫，曰：齊多智，解此環不后，以示羣臣。羣臣不知解，后引椎椎破之。謝秦使曰：謹以解矣。

列傳六十

曰謹以解矣

晉王凝之妻謝氏，字道韞，聰識有才辯。叔父安嘗問詩何句最佳，道韞稱：吉甫作誦，穆如清風。仲山甫永懷，以慰其心。大雅安謂有雅人深致。言鑿賞有雅人深致又嘗內集，俄而雪驟，下安曰：何所似也？安兄子朗曰：散鹽空中，差可擬。道韞曰：未若柳絮因風起。安大悅。凝之弟獻之嘗與賓客談議，詞理將屈，道韞遣婢白獻之曰：欲為小郎解圍，乃施青綾步障，自蔽。申獻之前議，客不能屈。

齧齒尺牘

荀勗音律

晉書：習鑿齒字彥威，襄陽人。少有志氣，博學洽聞，以文筆著稱。荆州刺史桓温辟為從事，累遷別駕。温出征伐，鑿齒或從或守，所在任職。每處機要，莅事有績。善尺牘論議，温

甚器遇之。出為棗陽太守。時溫覬覦非望。覬覦欲得也。非望帝位也。齒在郡。著漢晉春秋。以裁正之。起漢光武。終晉愍帝。後徵典國史。會卒。初鑿齒嘗與孫綽共行。綽性通率。不瑣好譏。調時綽在前。顧鑿齒曰。沙之汰之。瓦石在後。汰淘也。沙也。鑿齒曰。數之颺之。颺去糠粃在前。

晉荀勗字公曾。潁川潁陰人。漢司空爽曾孫。岐嶷夙成。岐嶷小兒有知也。十餘歲能屬文。長博學。達於從政。武帝受禪。拜中書監。加侍中。領著作。與賈充共定律令。既掌樂事。又修律呂。並行於世。初勗於路逢趙賈人。牛鐸。牛所繫鐸。識其聲。及掌樂音韻。未調。乃曰。得趙之牛鐸。則諧矣。遂下郡國。悉送牛鐸。果得諧者。又嘗在帝坐。進飯。謂在坐人曰。此勞薪所炊。帝遣問膳夫。實用故車脚。舉世伏其明識。後守尚書令。

勗久在中書。專管機事。及失之。甚悵恨。或有賀之者。勗曰。奪我鳳凰池。中書省。以樞近之地。多承寵任。人固其位。謂之鳳凰池。諸君賀我。耶。初太子婚未定。勗與左衛將軍馮統同帝間。並稱賈充女才色絕世。遂成婚。當時甚為正直者所疾。而獲佞媚之譏。帝素知太子闇弱。恐後亂國。遣勗及和嶠往觀之。勗還盛稱太子之德。而嶠云。太子如初。於是天下貴嶠而賤勗。

胡威推謙

陸績懷橘

晉書。胡威字伯武。淮南壽春人。父質以忠清稱。仕魏為荊州刺史。威自京都定省。往問父。安否。家貧。無車馬。僮僕自驅驢單行。既至。見父而歸。父賜絹一匹。威曰。大人清高。何得此。絹。答曰。是吾俸祿之餘。威受之。辭歸。卒取與質。帳下都督後為徐州刺史。勤於政術。風化大行。入朝。武帝謂曰。卿孰

列傳
六十

與父清對曰。臣父清恐人知。臣清恐人不知。是臣不及遠也。

二卷

吳志。陸績字公紀。吳人。年六歲。於九江見袁術。術出橘。績懷三枚。去拜辭。墮地。術謂曰。陸郎作賓客。而懷橘乎。績跪曰。欲歸遺母。術大奇之。績博學多識。星歷算數。無不該覽。孫權辟為掾。以直道見憚。出為鬱林太守。加偏將軍。左將績意在儒雅。非其志也。將軍之任。非其志也。雖有軍事。著述不廢。作渾天圖。注易釋玄。皆傳於世。

羅含吞鳥

江淹夢筆

列傳 六十

晉書。羅含字君章。梓陽耒陽人。幼孤。為叔母朱氏所養。少有志尚。嘗晝臥。夢一鳥文彩異常。飛入口中。因起驚說之。朱氏曰。鳥有文彩。汝後必有文章。自此藻思日新。藻思。文

列傳 四十

江夏守謝尚稱曰。君章可謂湘中之琳琅。桓温以為江左之秀。累遷長沙相。致仕。加中散大夫。門施行馬。行馬。解見弟初舍在官舍。有一白雀。栖集堂宇。及還家。階庭忽蘭菊叢生。以為德化之感。

南史。江淹字文通。濟陽考城人。少孤貧。嘗慕司馬長卿梁伯鸞之為人。不事章句之學。留情文章。仕齊為侍中秘書監。入梁。至金紫光祿大夫。淹以文章顯。晚節才思微退。云為宣城太守。時罷歸。夢一人自稱張景陽。張。臨字景陽。名於詩藻。謂曰。前以一匹錦相寄。今可見還。淹探懷中得數尺。與之。此人大恚曰。那得割截都盡。顧見丘遲。謂曰。丘遲字希範。餘此數尺。既無所用。以遺君。自爾淹文章躓矣。又嘗夢一文夫自稱郭璞。謂曰。吾有筆在卿處多年。可以見還。淹乃探

懷中得五色筆一以授之。爾後為詩絕無美句。時人謂之才盡。

李廌清貞

劉麟高率

世說李廌茂曾第五子。清貞有遠操。少羸病不肯婚宦。王丞相欲招禮之。辟為府掾。廌得戕命笑曰。茂弘導字乃復以爵假人。欲假我乎

晉書劉麟之字子驥。南陽人。少尚質素。虛退寡欲。不修儀

操。威儀節操人莫之知。好游山澤。志存遯逸。車騎將軍桓冲聞

其名。請為長史。麟之固辭。居于陽岐。來往莫不投之。來往

必麟之躬自供給。士君子頗以勞累更憚過焉。凡人致贈

一無所受。世說載麟之高率。高尚真率善史傳

蔣詡三逕

許由一瓢

前漢蔣詡字元卿。杜陵人。為兗州刺史。以廉直為名。王莽

居攝以病免。歸鄉里。三輔決錄曰。詡舍中竹下開三逕。唯

故人求仲羊仲從之遊。求仲羊仲皆隱士也。時稱二仲

逸士傳。許由隱箕山。無盃器。以手捧水飲之。人遺一瓢。得

以操飲。飲訖。掛於木上。風吹瀝瀝有聲。每風吹瓢。時有由

以為煩。遂去之。

楊僕移關

杜預建橋

前漢楊僕宜陽人。武帝時為樓船將軍。初函谷關在弘農。

僕既有功。耻為關外民。上書乞徙東關。以家財給其用度。

於是徙於新安。去弘農三百里。以故關為弘農縣。

晉書杜預字元凱。京兆杜陵人。博學多通。明於興廢之道。

常言德不可以企及。立功立言可庶幾也。尚文帝妹高陸

標

六十

三十四

雙

四

公主拜尚書郎。武帝時，拜度支尚書。預以孟津渡險，有覆沒之患，請建河橋。于富平津。議者以為殷周所都，歷聖賢而不作者，必不可立也。預曰：造舟為梁，大雅大明詩云：則河橋之謂也。及橋成，帝從百僚臨會，舉觴屬預曰：非君此橋不成。對曰：非陛下之明，臣亦不得施其微巧。

壽王議鼎

杜林駁堯

前漢吾丘壽王字子贛，趙人。為光祿大夫，汾陰得寶鼎，薦見宗廟，藏於甘泉宮。羣臣皆賀，得周鼎。壽王獨以為非。武帝問之，對曰：臣聞周德始乎后稷，長於公劉。公劉，后稷曾孫。大於大王。大王，古公。成於文武，顯於周公。德澤上昭天下，漏泉古師曰：漏，言潤澤下。無所不通。上天報應，鼎為周出，故名曰周鼎。今漢自高祖繼周，至於陛下，恢廓祖業，功德愈盛，天瑞

並至，珍祥畢見，天祚有德，而寶鼎自出，迺漢寶，非周寶也。上曰：善。賜黃金十斤。

後漢杜林字伯山，扶風茂陵人。拜侍御史。大議郊祀制，多以為周郊。后稷郊祀配天。漢當祀堯，詔下，公卿議議者僉同。光武亦然之。林獨以為周室之興，祚由后稷。漢業特起，功不緣堯。祖宗故事，所宜因循。定林議終，大司空。

西施捧心

孫壽折腰

莊子曰：西施病心而曠其里。病，心也。曠，病也。其里之醜人見而美之，歸亦捧心而曠其里。彼知美曠而不知曠之所以美也。西施越女，所謂西子也。有絕世之美。越王勾踐獻之。吳王夫差，夫差嬖之。卒至傾國。後漢梁冀為大將軍，其妻孫壽封襄城君，加賜赤紱。赤紱，朱裳。

後漢梁冀為大將軍，其妻孫壽封襄城君，加賜赤紱。赤紱，朱裳。

也。比長公主。帝長公主也。壽色美。善為妖態。作愁眉。噉妝。墮馬。髻折腰步。齟齬笑。帝處墮馬髻者。側在一邊。折腰步者。足不任體。齟齬笑者。以為媚惑。性鉗忌。能制御。冀性鉗忌。害如物鉗之。鉗。不忻忻。及冀敗自殺。

靈輒扶輪

魏顛結草

左傳曰。晉靈公不君。趙宣子驟諫。公患之。飲宣子酒。伏甲將攻之。公喉夫。爨。使犬也。爨。猛犬也。其車右提彌明搏殺之。宣子曰。弃人。用犬。雖猛。何為。不養。上。鬪且出。與伏兵。且明死之。初。宣子田於首山。獵也。田。舍于翳桑。注。舍。息也。翳桑。桑。見靈輒餓不食。三日。宣子食之。舍其半。問之。曰。官三年矣。官學。未知母之存否。今近焉。杜注。去。請以遺之。使盡之。而為之。簞食與肉。寘諸橐。以與之。既而與為。

軍

公介。靈輒為。倒戟以禦。公徒而免之。問何故。對曰。翳桑之餓人也。問其名。居。不告而退。不望。遂自亡也。輒亦去。曰。靈輒扶輪。徐子光注。闕扶輪事。左傳亦不載其事。詳說。引。一本。蒙求。繼明死。下。曰。將乘車。公已令人脫一輪。輒以臂承軸。馳行。不言所出。然。李瀚題曰。扶輪。必有。所据矣。書。以待博覽之子。左傳曰。晉魏顛。武子之子。初。武子有嬖妾。無子。武子疾。命顛曰。必嫁。是疾病。則曰。必以為殉。用人。送。及卒。顛嫁之。曰。疾病。則亂。亂。命也。吾從其治也。初。命也。吾及敗。秦師。下。輔。氏。杜注。輔。獲。杜。回。秦之力人也。顛見老人。結草。以亢。杜。回。杜注。亢。杜。回。躡。而顛。故獲之。夜夢之。曰。余而所嫁。婦人之父也。爾用先人之治命。余是以報。

逸少傾寫

平子絕倒

晉書。王羲之字逸少。司徒導從子。年十三。謁周顛。顛異之。

史記卷之...

時重牛心炙。坐客未嗽。顛先割啗之。啗。皆食也。於是始知名。及長。辯贍。以骨體稱。骨體。剛毅也。顛一作鯁。世謂鯽。謂鯽為骨鯁。尤善隸書。為古今之冠。太尉郝鑿使門生求女婿於導。導令徧觀子弟。門生歸。謂鑿曰。王氏諸少並佳。然聞信至。咸自矜持。古人謂信矜持。惟一人在東床。坦腹食。坦腹。自露腹於外也。獨若不聞鑿曰。正此佳婿邪。訪之。乃羲之也。遂妻之。仕至右軍將軍會稽內史。世說曰。郝夫人謂二弟司空中郎曰。王家見二謝傾筐倒屣。傾。倒也。亦見汝來。平平耳。無煩復往。故曰往。二弟愔與曇也。二謝安石與萬石也。

六列傳

晉衛玠好言玄理。其後多病。體羸。母常禁其語。遇有勝日。勝。謂佳節生辰也。親友時請一言。無不咨嗟。以為入微。王澄字平子。有高名。少所推服。每聞玠言。輒歎息絕倒。極笑。日絕。

時人為之語曰。衛玠談道。平子絕倒。澄及王玄。王濟並有盛名。皆出玠下。世云。王家三子。不如衛家一兒。兄衍有人倫之鑿。尤重澄。衍為澄及王敦。庚敦。且曰。阿。由是顯名。平第一。子嵩第二。處仲第三。有經澄所題。自者。衍不復有言。輒云。已經平子矣。為荊州刺史。為王敦所害。劉琨。琨為敦所殺。歎曰。澄自取之。

澹臺毀壁

子罕辭寶

博物志曰。澹臺字子羽。澹臺。滅明字子羽。澹臺。復姓。滅明名。渡河。齎千金之璧。于河。河伯欲之。至陽侯波起。陽侯。大波。神。兩蛟挾船。子羽左操璧。右操劍。擊蛟皆死。既渡。三投璧于河。河伯躍而歸之。子羽毀而去。左傳曰。宋人得玉。獻諸司城子罕。子罕弗受。獻玉者曰。以示玉人。玉人以為寶。故獻之。子罕曰。我以不貪為寶。爾以

玉為寶。若以與我，皆喪寶也。不若人有其寶。

東平為善

司馬稱好

後漢東平憲王蒼，顯宗同母弟。少好經書，雅有智思。顯宗愛重之，拜驃騎將軍。位三公，上王既還國，後朝京師，上問王處家何等最樂。王言為善最樂。肅宗立，恩禮踰於前世。既薨，帝東巡，守幸其宮，追感念蒼，謂其子曰：思其人，至其鄉，其處存其人亡，因泣下。幸其陵祠以太牢。

後漢司馬徽，字德操，潁川人。口不談人之短，與人語莫問好惡。皆言好。有鄉人問徽安否，答曰：好。有人自陳子死，答曰：大好。妻責之曰：人以君有德，故相告。何忽聞人子死，便言好。徽曰：卿言亦大好。

公超霧市

魯般雲梯

後漢張楷，字公超，成都人。家河南。通春秋尚書。本傳云：通尚書，門徒常百人。自父黨風儒，偕造門。車馬填街，徒從無所止。舍黃門貴戚家，皆起舍巷次，以候過客。往來之利，楷疾其如此。貪利，輒徙避之。後隱弘農山中，學者隨之。所居

成市華陰山南，遂有公超市。五府連辟，五府：太尉、太尉、司徒、司空、大將軍也。舉賢良方正，不就。性好道術，能作五里霧。後安車聘之，以疾辭。安車，解見于。故乘蒲輪下。

淮南子曰：楚欲攻宋，墨子聞而悼之。墨翟，見楚王曰：臣見大王之必傷義而不得宋。王曰：公輸天下之巧士，作為雲梯之械，設以攻宋，曷為弗取。墨子曰：今公輸設攻，臣請守之。於是公輸般設攻，宋之械，墨子設守，宋之備。九攻而墨子九却之，弗能入，乃偃兵，不攻。公輸魯般也。

田單火牛

江道藝雞

史記田單齊諸田疏屬也為臨淄市掾不見知及燕使樂毅伐破齊盡降齊城而單得脫東保即墨燕人攻之單乃收城中得千餘牛為絳繒衣畫五彩龍文束兵刃於其角灌脂束葦於尾燒其端鑿城數十穴夜縱牛壯士五千隨其後牛尾熱怒而奔燕軍燕軍夜大驚視之皆龍文所觸盡死傷五千人因衝枚擊之城中鼓譟從之老弱皆擊銅器為聲聲動天地燕軍大敗遂復齊七十餘城迎襄王於莒王封單號安平君

晉江道字道載陳留圉人中軍將軍殷浩請為諮議參軍遷長史時羗及丁零叛浩軍震懼姚襄去浩十里結營姚襄即以逼浩浩令道擊之道進兵至襄營謂將校

曰今兵非不精而眾少於羗且其塹柵甚固難與校力吾當以計破之乃取數百鷄以長繩連之繫火於足羗雞駭散飛集襄營營火發因其亂而擊之襄遂小敗道後遷大

蔡裔陷盜

張遼止啼

晉書蔡裔為兗州刺史有勇氣聲若雷震嘗有三盜入室裔拊床一呼拊拍而盜俱隕隕與故殷浩為中軍將軍北征委以軍鋒焉

魏志張遼字文遠廩門馬邑人武力過人數有戰功為魏戰功有累轉前將軍舊注曰江東小兒啼怖之曰遼來遼來無不止者

陳平多轍

李廣成蹊

前漢陳平陽武戶牖人少家貧好讀書治黃老術為人長
 大美色及長可取婦取與與通下同富人莫與者貧者平亦媿之
 久之富人張負有女孫五嫁夫輒死人莫敢取平欲得之
 負偉平師古云以平為奇偉隨至其家迺負郭窮巷師古云以席為
 門然門外多長者車轍負歸謂其子仲曰吾欲以女孫予
 陳平仲曰平貧不事事上事也治也一縣中盡笑其所為奈何
 予之女負曰固有美如陳平長貧者乎卒與女予酒肉資
 以內婦戒其孫曰毋以貧故事人不謹里中社平為宰分
 肉甚均父老善之平曰使平得宰天下亦如此肉矣從高
 祖為護軍中尉盡護諸將出黃金四萬斤予平恣所為不
 問出入平多以金縱反間於楚軍自初從自初從高祖至天下
 定凡六出奇計定封曲逆侯惠帝時為左丞相呂后時為

右丞相又相文帝乃薨

前漢李廣隴西成紀人世受射法武帝時拜右北平太
 守匈奴號曰漢飛將軍避之數歲不入界廣出獵見草中
 石以為虎而射之中石沒矢言矢入視之石也他日射終
 不能入廣歷七郡太守前後四十餘年得賞賜輒分其戲
 下感讀飲食與士卒共之寬緩不苛士樂為用元狩中為
 前將軍從大將軍衛青擊匈奴惑失道青欲上書報天子
 失軍曲折師古云曲折猶委曲也長史責廣之幕府上簿幕府衛青
 古云簿謂廣謂其麾下曰廣結髮與匈奴大小七十餘戰
 結髮也今又迷失道豈非天哉且廣年六十餘不能復對
 刀筆更矣師古云古者用簡牒以刀削書故吏皆以刀筆自隨也遂引刀自剄百姓
 聞之知與不知老壯皆為垂泣贊曰李將軍恂恂如鄙人

師古云、向洵誠謹貌、口不能出辭、及死之日、天下知與不知、皆為流涕、彼其中心誠信於士大夫也、諺曰、桃李不言、下自成蹊、此言雖小、可以喻大、
師古云、桃李以華實致感、

陳遵投轄

山簡倒載

前漢陳遵字孟公、杜陵人、為京兆史、放縱不拘、禮節後為校尉、擊賊有功、封嘉威侯、居長安中、列侯近臣、貴戚皆貴重之、牧守當之、官及郡國豪傑、至京師者、莫不相因、到遵門、遵嗜酒、每大飲、賓客滿堂、輒關門、關閉取客車轄、投井中、雖有急、終不得去、

晉山簡字季倫、司徒濤之子、溫雅有父風、永嘉中、為征南將軍、鎮襄陽、四方寇亂、天下分崩、朝野危懼、簡優游卒歲、

唯酒是耽、諸習氏、荆土豪族、有佳園池、後漢侍中習郁、依范蠡養魚法、作魚池、所謂習家池、是也、簡每出、多之池上、置酒輒醉、名之曰

高陽池、漢酈生自稱高陽酒徒、故云、時有童兒歌曰、山公出何許、許所往、至高陽池、日夕倒載歸、酩酊無所知、酩酊、醉甚貌、時時能騎

馬、倒著白接羅、羅一作羅、接羅、白帽也、舉鞭向葛強、何如并州兒、并州、強州人、故呼強家、在并州、簡愛將也、

淵客泣珠

交甫解佩

舊注引博物志云、鮫人從水中出、向人家寄住、積日賣綃、綃、生白繒、其輕薄如蟬翼、臨去、從主人索器、泣而出珠、滿盤、以與主人、今本無載、今行於世、左思吳都賦云、泉室潛織、而卷綃、淵客慷慨、而泣珠、淵客、蓋鮫人也、述異記曰、南海中有鮫人室、水居如魚、不廢機織、其眼能泣、則出珠、列仙傳、江妃二女、皆麗服華裝、佩兩明珠、大如雞卵、遊於

江漢之涓逢鄭交甫交甫說之不知其神也遂下與言曰願請子之佩二女解佩以與交甫受而懷之趨去數十步視其懷空無佩顧二女忽然不見

龔勝不屈

孫寶自劾

前漢龔勝字君賓舍字君倩楚人二人相友並著名節世謂楚兩龔哀帝時勝為光祿大夫王莽秉政乞骸骨莽後遣使即拜講學祭酒師古云即就也稱疾不應復遣使者奉璽書太子師友祭酒印綬安車駟馬與郡太守縣長吏官屬諸生千人以上入里致詔勝稱病篤東首加朝服挖紳也師古云挖引也紳大帶勝曰吾受漢家厚恩亡以報今老且暮入地誼豈以一身事二姓下見故主哉語畢不開口飲食積十四日死舍通五經拜太山太守數月乞骸骨

哀帝使使者拜光祿大夫數賜告終不起舍勝歸鄉二千石長吏初到官皆至其家如師弟子之禮

七十

前漢孫寶字子嚴潁川鄆陵人以明經為郡吏御史大夫張忠辟為屬欲令授子經寶自劾去有過也後署主簿寶徙入舍忠怪使所親問曰前大夫為君設除大舍師古謂修飾掃除子自劾去者欲為高節也今兩府高士丞相御史之府俗不為主簿子既為之徙舍甚說何前後不相副也寶曰高士不為主簿而大夫君以寶為可一府莫言非士安得獨自高前日君男欲學文師古云文移寶自近禮有來學義無往教道不可誦身誦何傷且不遭者師古云士不不為况主簿乎忠聞之慙上書薦寶平帝時為大司農

呂安題鳳

子猷尋戴

世說曰：嵇康與呂安善，每一相思，千里命駕。安後來，值康不在，喜出戶，延之，之，喜康不入。題門上作鳳字而去，喜不覺。

不覺，猶以為忻。鳳字，凡鳥也。意以為凡鳥，不足與談。

晉王徽之字子猷，右軍羲之之子。性卓犖，不羈。卓犖，超絕也。不羈，不

拘為大司馬桓溫參軍，蓬首散帶。蓬首，髮不櫛也。不綜，府

事也。綜，理也。嘗寄居空宅中，久住，宅非便，令種竹。或問其故，徽之

但嘯詠，指竹曰：何可一日無此君邪？嘗居山陰，夜雪初霽，

月色清明，四望皓然，獨酌酒，詠左思招隱詩，忽憶戴逵時

遠在剡，逵，隱者也。故詠招隱詩。憶便夜乘小船詣之。經宿

方至，造門不前，而反。人問其故，曰：本乘興而行，興盡而反，何必見安道邪？安道，字官至黃門侍郎。

董宣彊項 翟璜直言

後漢董宣字少平，陳留圉人。光武時為洛陽令。時湖陽公

主蒼頭，漢名奴，曰蒼頭。白日殺人，匿主家，吏不能得，及主出，以奴

驂乘，奴向蒼頭也。宣候之，駐車叩馬，叩與扣通。大言數主之失，

數責也。此奴下車因格殺之。而格殺不用器械，主訴帝，帝怒，召

宣欲笞殺之，宣叩頭曰：願一言而死。曰：陛下聖德

中興而縱奴殺良人，何以理天下？臣不須笞，請自殺。即以

頭擊楹，流血被面。帝使宣謝主，宣不從，強使頓之，兩手據

地，終不肯俯。主曰：文叔為白衣時，藏亡匿死，亡，亡命也。死，亡命也。更不

敢至門。今為天子，威不能行，一令乎？帝笑曰：天子不與白

衣同，因勅強項令出，賜錢三十萬。宣悉以班諸吏，由是搆

擊豪強。京師號為臥虎。歌之曰：枹鼓不鳴董少平。注云：枹，

也。字从木，喻也。文叔，光武字也。

後漢書卷之六

新序曰。魏文侯與士大夫坐。問曰。寡人何如君也。羣臣皆曰。君仁君也。次至翟璜曰。君非仁君也。君伐中山。不以封君之弟。而以封君之長子。臣以此知之。文侯怒。逐璜。璜起而出。次至任座。文侯問之。對曰。君仁君也。臣聞其君仁者。其臣直。向翟璜之言直。是以知也。文侯曰。善。召翟璜入拜。為上卿。舊本翟璜誤作任座。

紀昌貫虱

養由號後

列子曰。甘蠅。古之善射者。數弓而獸伏。鳥下。言獸鳥不取逸。飛衛學射於甘蠅。而巧過其師。紀昌學射於飛衛。衛曰。爾先學不瞬。瞬。目自動也。而後可言射。昌歸。偃臥。其妻之機下。以目承牽挺。注云。牽。挺。機。瞬也。隨。足。上。下。者。也。二年之後。雖雖未倒。皆而不瞬。以告衛。衛曰。未也。學視。而後可視。小如大。視微如著。而後告。

我昌以鼈懸虱於牖而望之。毛也。旬日之間。寢大也。三年之後。如車輪焉。以視餘物。皆丘山也。乃以燕角之弧。朔蓬之藋射之。藋。箭藋也。以燕之角為弓。以貫虱之心而懸不絕。舊本紀昌誤作甘蠅。

淮南子曰。楚王有白猿。自射之。則搏矢而熙。熙。戲也。使養由基射之。養由基。楚善射者也。始調弓。箭矢未發。而猿擁樹號矣。

馮衍歸里

張昭塞門

後漢馮衍字敬通。京兆杜陵人。幼有奇才。博通羣書。王莽時。不肯仕。常好倣儻之策。倣。與。個。同。解。見。于。前。時莫能聽用。其謀衛尉陰興等。以外戚貴顯。深重衍。遂與交結。由是為諸王所聘。請尋為司隸從事。光武憊。西京外戚賓客。故皆以法繩之。由此得罪。而歸故郡。閉門自保。不敢與親故通。顯宗即

位又多短行以文過其實遂廢於家培壞於時培與坎同
 也然有大志居常慷慨歎曰行少事名賢經歷顯位懷金
 垂紫注云金印揭節奉使揭持不求苟得常有凌雲之
 志後通三公之貴千金之富不榮於懷注云樂貧而不哀
 賤而不恨猶庶幾名賢之風脩道德於幽冥之路幽冥人
 地以終身名為後世法

七

吳志張昭字子布彭城人博覽眾書孫權拜輔吳將軍昭
 每朝見辭氣壯厲義形於色權以公孫淵稱藩稱藩遣張
 彌許晏至遼東拜淵為燕王昭諫不用稱疾不朝權恨之
 土塞其門昭又於內以土封之淵果殺彌晏權數慰謝昭
 昭固不起權因出過其門呼昭昭辭疾篤權燒其門欲以
 恐之昭更閉門權使人滅火住門良久昭諸子共扶昭起
 權載以還宮深自克責克責己之私昭不得已然後朝會
 昭容貌矜嚴有威風非以持權常曰孤與張公言不敢妄
 也舉朝憚之

蘓韶鬼靈

盧充幽婚

三十國春秋曰中牟令蘓韶卒後從弟節見韶乘馬晝日
 而行著黑介憤黃綵單衣憤韜髮巾也貴賤皆服之文官
 者長耳謂之介憤武長耳武官短耳階禮儀志云文
 者短耳謂之平頭憤節因問幽冥之事韶曰死者為鬼俱
 行天地之中在人間而不與生者接顏回卜而令見為修
 文郎冥官修死之與生略無有異死虛生實此有異爾言
 終而不見

舊注引孔氏志怪曰漢盧充范陽人家西四十里有崔少
 府女墓充因獵逐鸞忽見朱門官舍有人迎充見崔使見

府云近得公尊府君書為君娶吾小女故相邀耳將書示充以盧充之父乃以父手札而能認父手迹崔乃命女粧飾於東廂引充相見成禮禮婚留三日臨別謂充曰君婦有娠矣生男則當還之贈充衣衾令車送之充至家經三年三月三日臨水戲忽見水上二犢車短轆車也作沈作浮既達于岸充視車中見崔氏與三歲小兒共載其別車即崔少府也抱兒還充及詩一首金桃一枚俄而不見及兒長成後歷任數郡

震畏四知 秉去三惑

後漢楊震舉茂才茂才解見于四遷荆州刺史東萊太守當之郡道經昌邑故所舉荆州茂才王密為昌邑令謁見至夜懷金十斤以遺震震曰故人知君自謂震君不知故人何也密曰暮夜無知者震曰天知神知我知子知何謂無知密愧而出性公廉不受私謁子孫蔬食步行故舊或欲令為開產業震不肯曰使後世稱為清白吏子孫以此遺之不亦厚乎震安帝時為大尉為中常侍樊豐所譖而卒譖毀也

後漢楊秉字叔節震中子也桓帝時為大尉每朝廷有得失輒盡忠規諫多見納用秉性不飲酒又早喪夫人遂不復娶所在以淳白稱忠淳清白嘗言曰我有三不惑酒色財也

柳下直道 叔教陰德

論語曰柳下惠為士師三黜也士師獄官也無退也人曰子未可以去乎曰直道而事人焉往而不三黜枉道而事人何必去父母之邦

微子

附子

列傳

賈誼新書曰孫叔敖為嬰兒出遊而還憂而不食其母問其故泣而對曰今日吾見兩頭蛇恐去死無日矣母曰今蛇安在曰吾聞見兩頭蛇者死吾恐他人又見已埋之矣母曰無憂汝不死吾聞之有陰德者天報以福恐他人又見而埋之即陰人聞之皆喻其為仁也及為令尹令尹楚官未治而德也人信之列女傳曰有陰德者陽報之德勝不祥仁除百禍天之處高聽卑爾必興於楚及長為令尹老終

張湯巧詆

杜周深刻

前漢張湯杜陵人為廷尉舞文巧詆師古云舞猶弄也詆誣也其造議諸公師古云造至詣也請謁問也不避寒暑是以湯雖文深意忌不專平性多忌而不專平然得此聲譽而深刻吏多為爪牙用者喻鳥之用爪獸之用牙用依於文學之士每朝奏事語國家用日旰天子忘食師古云旰晚也論丞相取充位天下事既多至於日晚丞相取充位天下事皆決湯百姓不安其生騷動縣官所興縣官謂朝廷未獲其利姦吏並侵漁猶言漁獵也於是痛繩以臯繩謂彈正自公卿以下至庶人咸指湯咸以百姓騷動至痛繩也後為御史大夫坐事自殺初湯父為長安丞出湯為兒守舍還鼠盜肉父怒笞湯湯掘熏得鼠及餘肉劾鼠掠治劾推窮罪也掠笞擊也傳爰書訊鞠論報師古云傳謂傳逮追送赴對也爰換也也謂窮最之也論報以文書代換其口辭也訊考問也鞠窮也謂上論之而獲報也并取鼠與肉具獄磔堂下治獄之文處正其罪也父見之視文辭如老獄吏大驚遂使書獄獄如淳律令也書謂

前漢杜周南陽杜衍人少言重遲師古云遲謂性非敏捷也而內深次骨李奇云其用法深刻至骨為廷尉其治倣張湯上所欲擠者因而陷

之師古云上所欲釋久繫待問而微見其寃狀客謂周曰君為天下決平不循三尺法孟康云以三尺專以人意指為獄周曰三尺安出哉安焉前主所是著為律後主所是疏為令也師古云著謂明表也當時為是何古之法乎後為執金吾逐捕桑弘羊衛皇后昆弟子刻深上以為盡力無私遷御史大夫兩子夾河為郡守周之家資累巨萬治皆酷暴唯少子延年行寬厚云

二王尹京

一鮑糾慝

前漢王駿諫大夫吉之子以孝廉為郎成帝欲大用之出為京兆尹試以政事先是京兆有趙廣漢張敞王尊王章至駿皆有能名故京師稱曰前有趙張後有三王王尊王章王駿駿終御史大夫章字仲卿泰山鉅平人遷諫大夫在朝廷

名敢直言成帝選為京兆尹時帝舅王鳳輔政專權會日食章奏封事召見言鳳不可任用宜選忠賢上不忍退鳳章遂為鳳所陷初章為諸生學長安疾病無被被寢衣也卧牛衣中師古云牛衣編亂麻為之與妻決涕泣將死故辭決妻呵怒之曰責責而使憤發也京師尊貴在朝廷誰踰仲卿者今不自激如淳云激即激乃反涕泣何鄙也後欲上封事言事欲以達謂妻又止之曰人當知足獨不念牛衣中涕泣時邪章曰非女子所知也書上果下獄死死非其罪家庶寃之廣漢敬尊互見於後

後漢鮑永字君長上黨屯留人少有志操事後母至孝妻嘗於母前叱狗永即去之禮尊者之前不叱狗建武中為司隸校尉乃辟扶風鮑恢為都官從事恢亦抗直不避

強禦強禦強梁禦善也大帝嘗曰貴戚且欲手避二鮑其見憚如此父宣哀帝時為司隸校尉為王莽所害子昱中元初亦拜司隸校尉章帝時官至大尉

孫康映雪

車胤聚螢

孫氏世錄曰孫康康家貧無油常映雪讀書少小清介堅不拔交遊不雜後至御史大夫

晉車胤字武子南平人恭勤不倦博覽多通家貧不常得

油夏月則練囊盛數十螢火以照書以夜繼日焉桓温在

荆州辟為從事以辯識義理深重之稍遷征西長史征西

長遂顯於朝廷時武子與吳隱之以寒素博學知名于世

清儉質素又善於賞會談論集飲當時每有盛坐盛坐盛

而武子不在皆云無車公不樂終吏部尚書

李充四部

井春五經

晉書李充字弘度江夏人善楷書妙參鍾索鍾繇索靖世咸重

之褚裒引為參軍充以家貧苦求外出裒將許之為縣試

問之試以其充曰窮猿投林豈暇擇木乃除剡縣令後為

著作郎時典籍混亂充刪除煩重以類相從分作四部史經

子集秘閣以為永制累遷中書侍郎

後漢井丹字大春扶風郿人少受業大學通五經善談論

京師為之語曰五經紛綸井大春後漢書注紛綸猶博也性清高未

嘗修刺候人建武末沛王輔等五王沛王輔東海王彊楚

王居北宮皆好賓客更請丹不能致信陽侯陰就光烈阜

后弟也以外戚貴盛乃詭說五王求錢千萬詭詐約能致

丹而別使人要劫之丹不得已既至就故為設麥飯蔥葉

3A 3.577

之食丹推去之曰以君侯能供甘旨故來相過何其薄乎
更置盛饌乃食及就起左右進輦丹笑曰吾聞桀駕人車
豈此邪坐中皆失色就不得已令去輦自是隱閉不關人
事

徐狀元補注蒙求卷上



